

經

籍

纂

詁

經籍叢詁序

有文字而後有詁訓有詁訓而後有義理詁訓者義理之所由出非別有義理出乎詁訓之外者也詩烝民之篇曰天生烝民有物有則民之秉彝好是懿德宜尼贊爲知道之言而其詩述仲山甫之德本於古訓是式古訓者詁訓也詁訓之不忘乃能全乎民秉之彝詁訓之於人大矣哉昔唐虞典謨首稱稽古姬公爾雅詁訓具備孔子大聖自謂好古敏以求之又

云信而好古而深惡夫不知而作者由是刪定六經
歸于雅言文也而道卽存焉漢儒說經遵守家法詁
訓傳箋不失先民之旨自晉代尚空虛宋賢喜頓悟
笑問學爲支離棄注疏爲糟粕談經之家師心自用
乃以俚俗之言詮說經典若歐陽永叔解吉士誘之
爲挑誘後儒遂有詆召南爲淫奔而刪之者古訓之
不講其貽害于聖經甚矣我

國家崇尚實學儒教振興一洗明季空疏之陋今少

司農儀徵阮公以懿文碩學受知

九重敷歷八座累主文衡首以經術爲多士倡謂治
經必通訓詁而載籍極博未有會最成一編者往歲
休寧戴東原在書局實勅此議大興朱竹君督學安
徽有志未果公在館閣日與陽湖孫淵如大興朱少
白桐城馬魯陳相約分纂鈔撮羣經未及半而中輟
乃於視學兩浙之暇手定凡例卽字而審其義依韻
而類其字有本訓有轉訓次敘布列若網在綱擇浙

士之秀者若干人分門編錄以教授歸安丁小雅董其事又延武進臧在東專司校勘書成凡百有十六卷公既任滿赴

闕將刊梨棗嘉惠來學以予粗習雅故貽書令序其緣起夫六經定于至聖舍經則無以爲學學道要於好古蔑古則無以見道此書出而窮經之彥焯然有所遵循鄉壁虛造之輩不得勝其說以衒世學術正而士習端其必由是矣小學云乎哉嘉慶四年夏六

月嘉定錢大昕序

經籍叢書序

訓詁之學發端於爾雅旁通於方言六經奧義五方殊語既略備於此矣嗣則叔重說文稚讓廣雅探噴索隱厥誼可傳下及玉篇廣韻集韻亦頗蒐羅遺訓而所據之書或不可考且舊書雅記經史傳注未錄者猶多至於網羅前訓徵引羣書考之著錄家罕見有此惟舊唐志載天聖太后字海一百卷諸葛穎桂苑珠叢一百卷新唐志載顏真卿韻海鏡源三百六

十卷自古字書韻書未有若此之多者意其詳載先
儒訓釋是以卷帙浩繁而惜乎其書之已逸也曩者
戴東原庶常朱笥河學士皆欲纂集傳注以示學者
未及成編吾師雲臺先生欲與孫淵如編脩朱少河
孝廉共成之亦未果及先生督學浙江乃手定體例
逐韻增收總彙名流分書類輯凡歷二年之久編成
一百十六卷展一韻而衆字畢備檢一字而諸訓皆
存尋一訓而原書可識所謂握六藝之鈐鍵廓九流

之潭與者矣夫訓詁之旨本於聲音揆厥所出實同
條貫如周南關雎篇左右芼之傳訓芼爲擇後人不
從而不知芼苗聲近義同左右芼之之芼傳以爲擇
猶田苗蒐狩之苗白虎通以爲擇取爾雅芼擻也亦
與擇取之義相近也召南甘棠篇勿剪勿拜箋訓拜
爲拔後人不從而不知拜與拔聲近而義同也邶風
柏舟篇不可選也傳訓選爲數後人不從而不知選
算古字通朱穆絕交論作不可算也鄭注論語何足

算也以算爲數正與此同義也新臺篇蘧條不鮮箋訓鮮爲善後人不從而不知爾雅鮮省二字皆訓爲善正是一聲之轉且下云蘧條不殄殄讀曰腆其義亦爲善也小雅采芣篇六日不詹傳訓詹爲至後人不從而不知詹之爲至載於爾雅乃古之方言是以方言亦云楚語謂至爲詹也曲禮急繕其怒鄭讀繕爲勁後人不從而不知繕之爲勁乃耕仙二部之相轉猶辨秩東作通作平秩平平左右亦作便蕃左右

也學記術有序鄭注云術當爲遂聲之誤也後人不
從而妄改爲州而不知術遂古同聲故月令審端徑
術注云術周禮作遂也若乃先儒訓釋偶疏而後人
不知改正者亦多有之如易屯六二女子貞不字陸
績訓字爲愛已覺未安至宋耿南仲誤讀女子許嫁
笄而字之文遂以字爲許嫁更不可通不如虞翻訓
爲妊娠之善也堯典克諧以孝烝烝乂不格姦傳訓
烝烝乂爲進進以善自治頗爲不辭不如蔡邕九疑

山碑讀以孝烝烝爲句且依廣雅烝烝孝也之訓爲善也臯陶謨萬邦作乂禹貢萊夷作牧雲夢土作乂史記夏本紀皆以爲字代作字文義未安不如用詩駟篇傳訓作爲始之善也禹貢嶠夷旣略傳謂用功少曰略乃望文生義不如訓略爲治之善也康誥遠乃猷裕乃以民寧傳讀猷字爲句而訓猷爲謀不如斷猷裕爲句而用方言猷裕道也之訓爲善也詩邶風定之方中篇匪直也人檜風匪風篇匪風發兮匪

車偈兮小雅小旻篇如匪行邁謀箋並訓匪爲非不
如用左傳杜注訓匪爲彼之善也王風中谷有蕓篇
暎其濕矣傳箋並解爲水濕與暎字之義相反不如
讀濕爲暎用通俗文欲燥曰暎之善也魏風陟岵篇
行役夙夜無寐傳以爲寤寐之寐不如讀寐爲沫而
用楚辭注沫已也之訓爲善也小雅南有嘉魚篇烝
然罩罩烝然汕汕傳依爾雅云罩罩筐也汕汕櫟也
不如說文訓爲魚游水貌之善也菁菁者莪篇我心

則休釋文正義並以休爲美不如用國語注休喜也
之訓爲善也北山篇我從事獨賢箋以爲賢才之賢
不如毛傳訓賢爲勞之善也菀柳篇無自暱焉傳訓
暱爲近與無自療焉之文不類不如廣雅暱病也之
訓爲善也都人士篇序衣服不貳從容有常鄒訓從
容爲休燕不如緇衣正義訓爲舉動之善也大雅絲
篇曰止日時箋訓時爲是與曰止異義不如訓時爲
止之善也卷阿篇有馮有翼傳云道可馮依以爲輔

翼不如訓爲馮馮翼翼滿盛之貌爲善也民勞篇無
縱詭隨傳云詭人之善隨人之惡以疊韻之字而上
下異訓不如讀隨爲諧而訓詭譎之善也雲漢篇昊
天上帝則不我虞箋訓虞爲度文義未允不如訓爲
有與助之善也月令養壯佼正義以佼爲形容佼好
與壯異義不如訓佼爲健之善也桓十一年左傳且
四虞四邑之至也昭六年傳始吾有虞於子杜注並
訓爲度不如訓爲望之善也宣十二年傳董澤之蒲

可勝既乎杜訓既爲盡不如讀既爲鑿用標有梅詩
傳鑿取也之訓爲善也襄二十五年傳馮陵我敝邑
不可億逞杜訓億爲度逞爲盡不如訓爲盈滿之善
也後之覽是書者去鑿空妄談之病而稽於古取古
人之傳注而得其聲音之理以知其所以然而傳注
之未安者又能博考前訓以正之庶可傳古聖賢著
書本旨且不失吾師養是書之意與歲在屠維協洽
相月之朔弟子高郵王引之謹序

經籍發詁後序

少宗伯儀徵阮公視學浙江以經術倡迪士子思治經必先通詁訓庶免鑿空逃虛之病而倚古以來未有彙輯成書者因遴拔經生若干人分籍發詁依韻歸字授之凡例示以指南尋年分纂成更選其尤者十人每二人彙編一聲知鏞堂留心經詁精力差勝嘉慶三年春移書來常州屬以總編之役鏞堂不辭謫陋謹遵宗伯原例申明而整齊之以告諸君子復

延舍弟禮堂相佐請諸宗伯檄仁和廩生宋咸熙來
司收掌對讀乃鍵戶謝人事暑夜汗流蚊積猶校閱
不置書吏十數輩執筆候寫雖極繁劇匆猝不敢以
草率了事與同纂諸君往復辨難國子監生嚴杰仁
和附生趙坦頗不以鏞堂爲悠謬其所編書亦精審
不苟皆學行交篤士也自孟夏始至仲秋告竣凡五
閱月共成書一百一十六卷可謂經典之統宗詁訓
之淵藪取之不竭用之無窮者矣蓋非宗伯精心卓

識雄才大力不足以興剏造之功而非諸君子分餐
之勤亦不能彙其成也卷袂繁重限於時日未盡覆
檢原書而易書詩三禮蒼頡字林釋文楚辭等餐稿
每科爲之審正經子有失載正文並補錄之校閱之
下更隨筆改訂刪煩鉤要分并歸合而條次其先後
俾秩然有章論其大端實足爲有功經學之書倘不
知者指其小舛支支節節而議之是欲擿泰山之片
石問河海於斷潢矣又烏足與語學問之事哉書旣

成宗伯將授之剗剗以嘉惠來學鏞堂因識其顛末
以告海內治經之士時嘉慶戊午秋九月三日武進
臧鏞堂識於浙學使院之譔詒齋

經籍纂詁凡例

一經傳本文卽有詁訓如和會也勤勞也

周書

基始

也命信也

國語周語下

需須也師衆也

易象上傳

畜君者好

君也

孟子梁惠王下

親之也者親之也

大戴記哀公問於孔子

敬文

之恭也忠文之實也正德之道也端德之信也

並周

語下

忠德之正也信德之固也

左氏文元年傳

禮身之幹也

敬身之基也

成十三年傳

元體之長也亨嘉之會也

襄九

年陳水屬也火水妃也

昭九年傳

黃中之色也裳下之

飾也

昭十二年傳

漢水祥也水火之牡也

昭十七年傳

春日

祠夏日禘

公羊桓八年傳

春日田夏日苗

穀梁桓四年傳

師衆以

順爲武

左氏襄三年傳

經緯天地曰文

昭廿八年傳

咨才爲諏

魯語

咨親爲詢

左氏襄四年傳

止戈爲武

宣十二年傳

皿蟲爲

蠱

昭元年傳

無患曰樂樂義曰終

大戴記小辨

約信曰誓泣

牲曰盟

禮記曲禮下

以及乾爲天

易說卦傳

震爲土

左氏閔元年傳

乾剛坤柔

易雜卦傳

屯固比入

左氏閔元年傳

之類皆詳爲采

入

一傳注有云某某也

易乾子夏傳元始也豐子夏傳
芾小也詩關雎傳淑善速匹也

某者某也

書大傳顯者事
也禹者輔也

某者某也某也

書大傳
堯者高

也饒也舜者
推也循也

某猶某也

周禮天官序官注體
猶分也佐猶助也

某謂

某某

豕宰注鄭司農云士
謂學士兩謂兩丞

某之言某也

詩召南箋
蘋之言賓

也藻之
言澡也

某某曰某

論語鄭注同門
曰朋同志曰友

以某爲某曰某

周禮醢人注鄭大夫杜子
春皆以拍爲膊謂脅也

某某某貌

論語鄭注
恂恂恭順

貌便便
言辨貌

某某某之辭某是某某之稱

儀禮士冠
禮注吾子

相親之辭子男子之美稱伯仲叔
季長幼之稱甫是丈夫之美稱

某讀爲某

論語
鄭注

純讀爲緇
厲讀爲賴
某讀曰某
禮記曲禮注扱讀曰吸
繕讀曰勁
某讀如某

呂覽季夏注飭讀如
勅士容注附讀如疴
某讀如某某之某
考工記注鄭司農云

函讀如國君含垢之含
泐讀如再扞而後卦之扞
某讀若某某之某
儀禮

酒禮注如讀若今之若聘
禮注藪讀若不數之數
某古某字
詩鹿鳴箋視

曲禮注或者
壤古讓字
古曰某今日某
周禮外史注古曰名

者曰名今
世曰字
古聲某某同
詩東山箋古者聲栗裂同

古字某某同
論語鄭注古字材哉同耳
周禮外府注齋資同耳其字以齊次爲聲從貝

變易古字
亦多或
故書作某
周禮天官序官注嬭故書作資
古

文某爲某今文某爲某

儀禮士冠禮注今文局爲鉉古文鼎爲密古文紒爲

結今文禮作醴禮記緇衣注吉當爲告告古文誥字之誤也

某某或爲某某

周禮

小宰注杜子春云廉辨或爲廉端掌舍注杜子春云棘門或爲材門

某誤爲某

大戴記保

傳盧注瞽與鼓聲誤也夜史爲字誤

某當爲某

周禮醢人注齊當爲壺內司服注狄當爲

某聲近某

內司服注鄭司農云屈者音聲與闕相似禮與展相似康成謂禕榆狄展

聲相近

長言短言

公羊莊廿八年傳注伐人者爲客讀伐長言之見伐者爲主讀伐短

之內言外言

公羊宣八年傳注言乃者內而深言而者外而淺

急言緩言

淮南本經注臙讀近殆緩氣言之墜形注旄讀近綢繆之繆急氣言乃得之

之類聲音

詁訓一以貫之今並纂入

一有以詁訓代正文者如史記五帝紀引堯典克明
俊德作能明馴德慎徽五典作慎和五典夏本紀
引禹貢覃懷底績作覃懷致功九江孔殷作九江
甚中大戴記夏小正乃伏傳作而伏少閒繁諸注
作繁者今並纂入詩邶谷風有泂有潰毛傳云泂
泂武也潰潰怒也周頌肅雝和鳴樂記云肅肅敬
也雝雝和也皆長言申明之義茲並纂入

一左氏爲古文公穀爲今文字多假借兩漢去古未遠所書碑碣亦假借爲多古人名與字皆有詁訓今並纂錄因三者體與正訓稍殊故俱隸於每字之末

一歸字謹遵

佩文韻府爲主一字數音則

各審其反切歸之如有重見則詳前而略後

一歸字以所訓之字歸韻如速匹也歸入尤部雙字如窈窕美容曰窈美心曰窕分繫篠部窈窕二字

下參差則歸於侵部參下崔嵬則歸於灰部崔下

一 佩文韻府未載之字據廣韻補錄廣韻

所無據集韻補錄凡一字數體通作或作之類皆
據集韻附歸韻府中有一句內上下兩字可歸者
例歸上一字而上一字爲韻府所無下一字韻府
有者則變例歸下一字

一 同一詁而文有詳略者俱仍其舊不加增減如元
始也爲第一次元者始也次元者善也長也次元

猶首也可類推若同一元始也而諸書叠見者則以易書詩爲次同一易而先後叠見者則以經之先後爲次同一卦一句而諸儒之詁叠見者則先

王弼本注次荀馬鄭虞依照時代

元始也有無也字者統於元始

也之下不加區別若諸書俱無也字則仍舊作元始不意增加

一重見者雖數十見皆采以證字有定詁義有同訓
一詁以聲相近者前列者如一東東動也風汜也衷
中也三肴爻效也二腫鍾鍾也一送恫痛也二沃

屬續也此其例

一詁有以本訓前列者如一東同合也隆高也三肴
匏瓠也一董孔甚也二腫豕大也一送衆多也貢
獻也二沃足止也篤厚也此其例

一詁以本義前列其引伸之義展轉相訓者次之名
物象數又次之其詁訓繁多名物叢積者先後之
次略依爾雅十九篇之目

一引川羣經倣陸氏釋文之次先易書詩次周禮儀

禮禮記次左氏公羊穀梁次孝經論語等爾雅爲
詁訓之祖舉而冠諸方言廣雅之前孟子爲孔曾
之亞尊而尚之荀卿楊雄之上趣不同而尊經之
意一也

一引經易書詩舉一字周禮左氏等舉二字

考工記
不稱周

禮前漢書稱漢書後漢書稱後漢陸德明稱周易

音義尙書音義毛詩音義今仍舉易書詩各經正
文下祇稱釋文以從簡省尙書大傳稱書大傳大

戴禮記稱大戴記逸周書稱周書淮南子稱淮南
呂氏春秋稱呂覽呂覽但載孟春本生等小篇名
不載孟春紀有始覽開春論等總題猶書但稱堯
典禹貢不稱虞書夏書詩但稱關雎鵲巢不稱周
南召南也孝經老子卷帙無多不載章名

一十三經舊注以現立學官者列於前餘依時次如
易詁先王弼而後荀虞書詁先孔傳而後馬鄭王
左氏先杜預而後賈服爾雅先郭璞而後舍人樊

光李巡孫安有不詳姓氏者但稱舊注

一羣籍本注皆不稱姓非本注則稱姓以別之如易
王弼韓康但稱注慈明仲翔則稱荀注虞注書僞
孔但稱傳季長康成則稱馬注鄭注周禮鄭大夫
鄭司農則稱大夫注司農注杜子春注則稱杜注
河上公章句但稱老子注王弼注則稱王注郭象
但稱莊子注司馬彪則稱司馬注

一裴駟自言則稱史記集解

引用各家舊說則加引某某三字如集解引賈

遠師古自言則稱漢書集注

引用各家舊注則加引某某三字如集注

引應

劭等

一前後漢書有總題小題今單舉小題不稱總題如景十三王單稱河閒獻王傳不稱景十三王儒林單稱楊何傳丁寬傳不稱儒林循吏但稱文翁傳王成傳不稱循吏後漢三國準此

一同一詁同一書而先後數十見者皆依本書次序連寫惟於篇名加墨匡爲誌至易一書始加又字

以別之另一條始加圓圈以隔之

一凡韻字皆一而廣雅史漢騷選每多異文若一概作一勢必盡改舊書今遇異體者仍寫正字不作

一正文與注並采者其注但稱某書注以避重複

一卷次謹遵

佩文韻府一韻爲一卷其卷

帙繁多者亦倣韻府例每卷分爲上下

一此書采輯雜出衆手傳寫亦已數過譌舛之處或

亦不免凡取用者宜檢查原書以期確實至於遺漏諒亦不少現在杭州節署延友搜查續爲補遺若干卷刊刻嗣出以裨學者

儀徵阮元伯元氏手訂

經籍纂詁姓氏

總纂

武進臧鏞堂在東

武進臧禮堂和貴

總校

歙縣方起謙牧夫

錢塘何元錫夢華

收掌

仁和湯燧古巢

仁和宋咸熙德輝

分纂

山陰何蘭汀

易王弼注李鼎祚集解老子河上公章句王弼注列子張湛注

殷敬順釋文

平湖朱爲弼

書孔傳馬鄭王注書異同考

嘉善孫鳳起

詩毛傳鄭箋韓詩異同考

歸安丁授經

周禮鄭注儀禮鄭注

歸安丁傳經

禮記鄭注
戴記盧辯注

大

錢塘諸嘉樂

左傳杜注
嚴輯古注

錢塘吳文健

公羊何注
梁范甯集解 穀

歸安邵保初

論語何晏集解
皇侃義疏
孝經鄭注 方言郭注

黃巖施彬

爾雅

烏程周中孚

孟子趙注
孫奭音義周氏孟子四
考 賈誼新書 太元范望集解

李軌注

法言

仁和趙坦

爾雅郭注
舍人樊光等注
齊民要術 越絕書

蕭山王端履

經典釋文
三傳異同

古經解鈎沈
人名字異同

嘉興丁子復

國語韋注
誘注

孫穀古微書
國策高

仁和孫同元

周書孔晁注
墨子

韓非子

錢塘梁祖恩

董輯書大傳
經趙注

顏氏家訓
周髀算

仁和宋咸熙

韓詩
外傳

臨海洪頤煊

劉熙釋名
小爾雅

臨海洪震煊

方言

蕭山徐

鯤
廣雅

楚辭王
文選注

海寧陳

鱣

孫輯蒼頡篇 任輯字林
埤蒼 聲類 通俗文

海寧倪

綬

獨斷 一切經音義 華
嚴經音義 翻譯名義

海鹽吳東發

隸釋
隸續

歸安楊鳳苞

史記裴駟集解司馬
貞索隱張守節正義

烏程張

鑑

漢書顏注蕭該音
義 三國志裴注

會稽顧廷綸

後漢書李賢注
晉書何超音義

錢塘嚴

杰

家語王
肅注

會稽劉九華

呂覽高注
淮南子高注

蕭山陶定山

管子房注

荀子楊

臨海沈河斗

孝經唐明皇注

穆天子傳郭注

春秋繁露

鬼谷子

鵝冠子

鹽鐵論

論

衡

匡謬正俗

蕭山傅學灝

莊子郭象注

錢塘吳克勤

山海經郭注

開化張立本

白虎通序

風俗通

新

錢塘陸堯春

素問王

分韻

仁和宋咸熙 上平聲

海寧倪綬 下平聲

錢塘諸嘉樂 上聲

仁和孫同元 去聲

歸安丁授經 入聲

編韻

臨海洪頤煊 上平聲九佳以上

臨海洪震煊 上平聲十灰以下

蕭山徐

鯤

下平聲八庚以上

錢塘潘學敏

下平聲九青以下

仁和趙

坦

上聲十八巧以上

黃巖施

彬

上聲十九皓以下

仁和趙春沂

去聲十七霰以上

仁和金廷棟

去聲十八嘯以下

錢塘嚴

杰

入聲九屑以上

錢塘梁祖恩

入聲十藥以下

覆校

武進臧鏞堂在東

武進臧禮堂和貴

刊板覆校

甘泉林慰會仲雲

弟 亨仲嘉

經籍纂詁總目

卷首

序文

凡例

姓氏

目錄

卷第一

上平聲 一東

卷第二

上平聲 二冬

卷第三

上平聲

三江

卷第四

上平聲

四支

卷第四下

上平聲

四支

卷第五

上平聲

五微

卷第六

上平聲

六魚

卷第七

上平聲

七虞

卷第七下

上平聲

七虞

卷第八

上平聲

八齊

卷第九

上平聲

九佳

卷第十

上平聲

十灰

卷第十一

上平聲

十一真

卷第十二

上平聲

十二文

卷第十三

上平聲

十三元

卷第十四

上平聲

十四寒

卷第十五

上平聲

十五刪

卷第十六

下平聲

一先

卷第十六下

下平聲

一先

卷第十七

下平聲

二蕭

卷第十八

下平聲

三肴

卷第十九

下平聲

四豪

卷第二十

下平聲

五歌

卷第二十一

下平聲

六麻

卷第二十二

下平聲

七陽

卷第二十二下

下平聲

七陽

卷第二十三

下平聲

八庚

卷第二十三下

下平聲

八庚

卷第二十四

下平聲

九青

卷第二十五

下平聲

十蒸

卷第二十六

下平聲

十一尤

卷第二十六下

下平聲

十一尤

卷第二十七

下平聲

十二侵

卷第二十八

下平聲

十三覃

卷第二十九

下平聲

十四鹽

卷第三十

下平聲

十五咸

卷第三十一

上聲

一董

卷第三十二

上聲

二腫

卷第三十三

上聲

三講

卷第三十四

上聲

四紙

卷第三十四下

上聲

四紙

卷第三十五

上聲

五尾

卷第三十六

上聲

六語

卷第三十七

上聲

七麌

卷第三十八

上聲

八霽

卷第三十九

上聲

九蟹

卷第四十

上聲

十賄

卷第四十一

上聲

十一軫

卷第四十二

上聲

十二吻

卷第四十三

上聲

十三阮

卷第四十四

上聲

十四旱

卷第四十五

上聲

十五潛

卷第四十六

上聲

十六銑

卷第四十七

上聲

十七篠

卷第四十八

上聲

十八巧

卷第四十九

上聲

十九皓

卷第五十

上聲

二十哿

卷第五十一

上聲

二十一馬

卷第五十二

上聲

二十二養

卷第五十三

上聲

二十三梗

卷第五十四

上聲

二十四迴

卷第五十五

上聲

二十五有

卷第五十六

上聲

二十六寢

卷第五十七

上聲

二十七感

卷第五十八

上聲

二十八儉

卷第五十九

上聲

二十九賺

卷第六十

去聲

一送

卷第六十一

去聲

二宋

卷第六十二

去聲

三絳

卷第六十三

去聲

四寘

卷第六十三下

去聲

四寘

卷第六十四

去聲

五未

卷第六十五

去聲

六御

卷第六十六

去聲

七遇

卷第六十七

去聲

八霽

卷第六十七下

去聲

八霽

卷第六十八

去聲

九泰

卷第六十九

去聲

十卦

卷第七十

去聲

十一隊

卷第七十一

去聲

十二震

卷第七十二

去聲

十三問

卷第七十三

去聲

十四願

卷第七十四

去聲

十五翰

卷第七十五

去聲

十六諫

卷第七十六

去聲

十七霰

卷第七十七

去聲

十八嘯

卷第七十八

去聲

十九效

卷第七十九

去聲

二十號

卷第八十

去聲

二十一箇

卷第八十一

去聲

二十二禡

卷第八十二

去聲

二十三漾

卷第八十三

去聲

二十四敬

卷第八十四

去聲

二十五徑

卷第八十五

去聲

二十六宥

卷第八十六

去聲

二十七沁

卷第八十七

去聲

二十八勘

卷第八十八

去聲

二十九豔

卷第八十九

去聲

三十陷

卷第九十

入聲

一屋

卷第九十一

入聲

二沃

卷第九十二

入聲

三覺

卷第九十三

入聲

四質

卷第九十四

入聲

五物

卷第九十五

入聲

六月

卷第九十六

入聲

七曷

卷第九十七

入聲

八黠

卷第九十八

入聲

九屑

卷第九十九

入聲

十藥

卷第一百

入聲

十一陌

卷第一百下

入聲

十一陌

卷第一百一

入聲

十二錫

卷第一百二

入聲

十三職

卷第一百三

入聲

十四緝

卷第一百四

入聲

十五合

卷第一百五

入聲

十六葉

卷第一百六

入聲

十七洽

經籍纂詁卷第一目

一東

東

同

銅

桐

童

僮

瞳

筩

中

衷

忠

蟲

沖

終

戎

崇

書作
密

嵩

或作
崧

崧

弓

躬

宮

融

雄

熊

穹

馮

窮

風

楓

豐

充

隆

空

公

功

工

攻

蒙

濛

籠

聾

藁

瓏

洪

紅

鴻

虹

叢

或作叢
亦作藂

翁

集韻翁
或从頁

憇

聰

通

蓬

蓬

烘

潼

矇

隴

忽

藟

置

蝨

廣韻
蝨同

澧

癘

幪

夢

滾

集韻或
作澱

訂

通作
虹

菱

縵

菱

縱

凍

忡

崧

彤

芑

艷

麤

釭

饒

霽

集韻或
作霽霧

膏

恫

總

從

椽

逢

侗

幢

熾集韻炯
或作熾

恫

朦

懵

隴

龐

蒞一作
蒞

夔

腴

臄

𦉳

種本作
重

詞

舸

颯

莪

駮

芎

漚

汎

豐

琿

倥

𠂔

蒙

憊

禰廣韻
禰同

輶

稷

駸

叟

辭

攀

螭

隴

辣

以下據廣韻錄

狔

集韻或外犬

甄

終

蔘

柶

沖

剝

娥

躬

集韻或作躬

鄮

惛

芄

豐

毓

筌

控

愼

囊

集韻濛或作囊

藪

輓

穉

蝻

哄

螭

總

集韻或作總

螭

總

燧集韻燧
或省燧

鯨

祿

蒙

以下據
集韻錄

笈

搜

縱

仁

响

神

經籍纂詁卷第一目

經籍纂詁卷第一

正平聲

經籍纂詁南齊書鄧左侍郎勳勳浙東政院完集

一東

東 一動也廣雅釋詁一又漢書律厓志上。一者動也續漢書五行志注引風俗通。一者動方也

物之動也藝文類聚歲時部上引書大傳。一者動方也

動方也萬物始動生也白虎通五行。一者陽氣

始動萬物始生同上。一者天下皆生也同上。一

方者陽也白虎通情性。一者木也論衡形勢。一

方者木春秋繁露五行相生。一者木也白虎通

五行。一風木風也淮南覽冥故。一風至而酒湛溢

注。震爲一易既濟。一鄰殺牛虞注。一者日之初

素問五運行大論。一者風注。一者日也廣雅釋

經籍纂詁

卷一

一東

東同

一

天○一宮世子也呂覽審應寡人之在一宮之時注

○一郊農郊也呂覽仲春命田舍一郊注○一洛邑

也詩車攻駕言徂一傳○一藩魯國也詩闕宮俾

侯于一箋○一方齊也詩烝民城彼一方傳○一人

譚人也詩大東一人之子傳○一籠與漣澗同荀子

議兵隴種一籠而退耳注○漢書古今人表一不訾

韓子說疑

作董不識

同一合也儀禮少牢饋食禮一祭于豆祭注又漢書

地理志上集注又呂覽精論天符一也注○未

志未合也孟子滕文公下未一而言注○一其也周

禮司市以泉府一貨而斂除注又左氏成元年傳是

齊楚一我也注○一猶共也大元圖方一九州注○

一齊也詩車攻我馬旣一傳又後漢馬融傳注○

猶齊也周禮大司徒六日一衣服注○一聚也詩吉

日獸之所一箋○一亦聚也文選東京賦獸之所

薛注○既一言已聚也詩幽風我稼既一箋○一皆

也廣雅釋詁三○一猶俱也詩七月一我婦子箋○一

猶一也國語周語其惠足以一其民人注○一注

也呂覽審己雖當與不知一注愛類除民之害一注

○一和呂覽君守離世別羣而無不一注○一和

也易同人釋文○一謂和一也周書成開衆和乃

注○一和合也禮記樂記樂統一注○一猶和一也

也禮記禮運是謂大一注○一謂平之也禮記月令

一度量注○一之言詞也禮記祭統鋪筵設一几注

○一猶通山海經海內經伯陵一吳權之妻阿女緣

婦注○一謂協好惡也禮記樂記樂者謂一注○一

謂威其不協僭差者周禮大宗伯以軍禮一邦國注

○一一人親也易雜卦傳○一甲謂完堅齊等管子大

匡一甲十萬注○其處曰一國語鄭語以一於王庭

注○一心不二曰一國語周語蘇一可觀注○好惡

不殊謂之一後漢劉梁傳○一者大一天下書顧命

上宗奉一瑁馬注。○巽爲一易象上傳。一人于野虞注。象下傳。其志不一。虞注。繫辭上傳。二人。心虞注。○凡二。故言一。公羊莊四年傳。其餘從一。注。○一方百里。周禮小司徒注。引司馬注。○方百里爲一。考工記。匠人爲溝洫。又淮南本經。諸侯一。注。○方百里爲一。左昭廿三年傳。土不過一。注。○地方百里曰一。國語。楚語。四封不備一。注。又家語。正論。列國一。注。○十終爲一。周禮小司徒注。引司馬法。○殷見曰一。周禮大宗伯。又詩車攻會。有釋傳。又周禮大宰。大朝覲會。注。又論語。先進。如會。一。鄭注。○殷一。卽殷見也。周禮大行人。殷一。以施天下之政。注。○殷眺曰一。後漢班彪傳。下注。○一陰律也。周禮春官序官注。○一爵名。書顧命。上宗奉一瑁傳。○一酒杯。書顧命。鄭注。○故書一。作銅。周禮典同。掌六律六一之。和注。○周禮大司樂。掌六律六。漢書郊祀志。下作六律六鍾。○左氏成二年傳。蕭一叔子史記。

齊世家作蕭桐叔子○國語鄭語以一干

王庭漢書五行志下之上作止於夏廷

陰也周禮典同以辨天地四方陰陽之聲以爲

樂器司農注○梁山名文選蜀都賦外負一梁

於宕渠劉注○人卽金狄也文選西征賦金狄遷

於灞川注○鼓卽駱越也水經溫水注○史記仲

尼弟子傳一鞮伯華大戴

記衛將軍文子作桐提

桐 一痛也廣雅釋詁二○一者痛也白虎通喪服○

一洞也法言學行一子之命也注○一者陰也白

虎通喪服○一梧一也山海經北山經號山其下多

一据注又呂覽季春一始華注又淮南時則一始華

注○一地名也書序伊尹放諸一鄭注○一湯葬地

也書序伊尹放諸一傳○板一山名也楚辭哀時命

望聞風之板一注○一讀爲通漢書禮樂志

集注○漢史晨後碑一車馬於瀆上通作一

前 一使也廣雅釋詁二〇一猶獨也易觀一觀釋文引馬注〇一盛也廣雅釋訓〇一寡有天元術

〇一無知天元錯〇亟見窺察謂之慧反慧爲一賈

子道術〇頑一昏固陋也國語鄭語而近頑一窮

固注〇山無草木曰一釋名釋長幼又荀子王制山

不而百姓有餘材也注又管子侈靡一不而用

贍注〇一無草木也文選吳都賦岡岵一劉注〇一

土地無草木也莊子徐無鬼一土之地釋文〇一未

成人之稱也禮記雜記稱陽一某甫注〇小一若云

未成人也禮記曲禮下自稱於其君一小一注〇成

一十五以上禮記內則成一舞象注〇成一八歲以

上穀梁昭十九年傳羈貫成一注〇一牙謂幼小也

後漢崔駰傳注〇一未冠者之稱禮記檀弓下與其

鄰一汪綺往注〇一子未冠之稱也儀禮喪服記一

子唯當室總注又禮記玉藻一子之節也注又論語

先進一子六七人皇疏〇一子未成人禮記少儀一

先

子曰聽事注又孟子滕文公下有子以黍肉餉注
○子隸子弟若內豎寺人之屬儀禮既夕禮記
子執帚注○女子之未笄者稱一釋名釋長幼○
妾也易大畜一牛之牯釋文引劉注○一牛無角之
牛也易大畜一牛之告虞注○一牛無角牛也易大
畜釋文○一羊之無角者也詩抑彼一而角傳○牛
羊之無角者曰一釋名釋長幼○一子刀謂小刀也
後漢南匈奴傳注○良爲一易觀一觀虞注大畜一
牛之告虞注○禱禴謂之一容小爾雅廣服○一當
作同列子黃帝狀不必一而智一注○左氏成十七
年傳胥一韓子內儲下作胥僮又易蒙一蒙釋文一
字書作僮禮記曲禮曰小一釋文一本作僮○易大
畜一牛釋文一廣蒼作僮○千一縣史記建元以來
王子侯者年表曰故重也一作千鍾水經淇水注○
國語晉語胥一
亦曰胥之昧

僮 一雅也廣雅釋言○一癡也廣雅釋詁三○一無知國語晉語一昏不可使謀注○一一蒙不達也

國語魯語使一子備官而未之聞邪注○一一竦敬也詩采芣被之一一傳○一猶賤也後漢馮衍傳注

○一御皆使者也後漢明德馬皇后紀注○一奴婢也史記貨殖傳一手指千集解○一者婢妾之總稱

漢書衛青傳注○禮記

射義一釋文本作童

瞳 一重也膚膜相裏重也釋名釋形體○一曰珠子也一切經音義十九引婢蒼○一未有知貌莊子

知北遊汝一焉如新

生之犢釋文引李注

箎 一長也廣雅釋詁二○一竹管也一切經音義二引三蒼郭注○一灑皆釣名也文選江賦一灑連

注鋒

【語】

一正也後漢陳寵傳注○一平也國語晉語夫以

回鬻國之一注○一猶均也考工記弓人斲擘必

一注○一猶忠也周禮大司樂一和祗庸孝友注○

一忠信也天元窮民好一注○一和也易蒙以亨行

時一也釋文又白虎通五行○一和也論語雍也

一庸之爲德也皇疏○一者順也莊子在宥一而不

可不高者德也釋文○一始太元元錯○一猶成也

禮記禮器因名山升一于天注○一同長也墨子經

上○一閒也荀子非相五帝之一無傳政注○一

閒禮記儒行儒有衣冠一注○一也列子力命得

亦一亡亦一釋文○一內也後漢列女傳注○一者

藏也禮記鄉飲酒義○一謂穿之也考工記桃氏

其莖司農注○一也者天下之大本也禮記中庸

一者天之用也春秋繁露循天之道○一者天地之

太極也同上○一者天氣也素問六微旨大論○一

心也史記樂書四暢交於一正義又太元達一冥獨

達注又淮南原道以制外注說山則不平也注

○一猶心也史記樂書情動於正義○一也

太元翕翕冥一注○一也禮記文王世子禮樂

交錯於一注○一者心志也法言修身其爲一也宏

深注○喜怒哀樂之未發謂之一禮記中庸○一精

神也莊子田子方爾於一也殆矣夫釋文○一身也

禮記檀弓下文子其一退然如不勝衣注又國語楚

語余左執鬼一注○履其正者乃可爲一孟子離婁

下章指○一者履一和之氣所生孟子離婁下也

養不注○一謂一正之道也論語子張允執厥

皇疏○內思畢心曰知一天戴記小辨○自五月至

八月爲歲之一洪範五行傳歲之一注○一旬爲月

之一洪範五行傳月之一注○偶一至口跌爲日之

一洪範五行傳日之一注○夜半爲一洪範五行傳

星辰莫同注○一月半也素問六節藏象論表正於

一注○一頭容直禮記玉藻頭頸必一注○一謂關

與婚事穀梁桓九年傳爲之者歸之也注○一謂
罪正所定周禮小司寇以三刺斷庶民獄訟之注
○一民善治民也莊子徐無鬼一民之士榮官釋文
引李注○受一謂受獄訟之成也周禮鄉士士師受
一注○一央者士君官也春秋繁露五行相生○一
央土也白虎通五行○門一門之正也儀禮聘禮每
門每曲揖注○國一城內也考工記匠人國一九經
九緯注○一藏謂內藏也後漢蓋勳傳注○一署內
署也同上○一人內人也同上○一書內一之書也
後漢伏湛傳注○一大夫王國之官也後漢齊武續
王傳注○一都官謂京師諸官府也後漢光武紀上
注○一都官吏在京師之官吏也後漢樊準傳注○
五一謂五藏素問陰陽類論五一所主注○一耀天
王也後漢襄楷傳○一祀猶南祀也書大傳一祀大
交霍山注○一岳嵩高也後漢隗囂傳注○一牢在
春秋之時爲鄧之堰也水經注引薛瓚注漢書○一

衣言在小衣之外大衣之一也釋名釋衣服○一帶
若今之禪襜儀禮既夕禮記婦人則設一帶注○一
閤一算器也儀禮大射儀賓之弓矢與一籌豐注○
一所以盛算也周禮大史飾一司農注○一讀曰仲
漢書宣帝紀集注元帝紀集注百官公卿表下集注
八見古今人表集注律厯志上集注二見五行志下之下集注地理
集注郊祀志上集注二見霍光傳集注谷永傳集
志下集注溝洫志集注二見嚴彭祖傳集注義縱
注儒林傳序集注費直傳集注嚴彭祖傳集注義縱
傳集注咸宣傳集注郭解傳集注原涉傳集注外戚
傳下集注王莽傳上集注王莽傳下集注○古以一
為仲顏氏家訓書證○一歸與仲虺同荀子堯問其
在一歸之言也注○一之當反音張匡謬正俗七○
書呂刑士制百姓于刑之一後漢梁統傳作爰制百
姓于刑之衷○禮記月令一丁釋文一本作仲左氏
文六年一行鍼虎釋文一本作仲襄十九年一子戎

子釋文一本作仲○書仲虺之誥建釋文一本或
作忠孝經心釋文一本亦作忠○漢張遷碑一嘗
於朝魏橫海將軍呂君碑君以勇忠皆作一○戰
國策秦策一期推琴說苑作申旗○莊子知北遊一
而歎曰釋文

崔本作印

衷

中也左氏閔二年傳用其一注僖廿八年傳今

天誘其一注又國語周語其君齊明一正注魯語

作而不一注楚語直而不一注又漢書敘傳上集注

○一正也左氏昭六年傳楚辟我一注○一當也左

氏昭十六年傳發命之不注○一也者適也呂覽

適音○一猶適也左氏僖廿四年傳服之不注○

一節適也左氏莊六年傳而後立一焉注○一善也

書臯陶謨和一哉傳湯誥降一于下民傳又左氏哀

廿七年傳故寡君使瑤察陳一焉注又左氏哀十一

年傳天若不識不釋文又一切經音義二引尚書

注又廣雅釋詁一又國語晉語鬼神降一注私志雖

一注吳語今天降一於吳注又家語正論天誘其一

注又荀子子道孝子不從命乃一注又呂覽順民願

一與吳微天下之一注○一誠也荀子成相欲一對

言不從注○一懷也左氏宣九年傳皆一其相服注

○一中心也文選王文憲集序莫不總制清一注○

一謂中心也文選五君詠深一自此見注○一表別

外之辭也文選五君詠注引蒼頡○一之爲言不輕

不重之謂也後漢梁統傳○一音之適也呂覽適音

○一者禱在一也穀梁宣九年傳或一其禱注○國

語楚語又能齊肅一正周

禮春官序官注作中正

一誠也荀子禮論其一至矣注○一恕也國語周

語考中度衷一也注○一正也呂覽孝行事君不

一注○一厚也書大傳出而不止是不一也注又國

語周語一非規禮注又楚辭湘君交不一兮怨長注

語周語一非規禮注又楚辭湘君交不一兮怨長注

○一者厚也。白虎通崩薨又論衡問孔。一愛也。呂覽至忠。權勳其心。以也。注。一猶愛也。呂覽至忠。將以於君王之身。注。一猶稱也。管子禁藏。一人之和。注。一者中此者也。大戴記曾子大孝。一中心也。論語學而為人謀而不乎皇疏。一謂盡中心也。論語里仁一恕而已矣。皇疏。憲問。一焉能勿誨乎皇疏。一言以中心。周禮大司徒。知仁聖義。一和注。一愛利出中謂之。賈子道術。一出自心意爲。國語周語言。一必及意。注。考中度衷爲。國語周語。一教人以善謂之。孟子滕文公上。一以正輔人謂之。一鹽鐵論刺議。一者久愈親者也。鶴冠子學問。一者惇慎此者也。荀子君子。一義明而物親也。莊子繕性。一上思利民也。左氏桓六年傳。一也。文之寶也。國語周語。一後漢朱穆傳注。一者義之主也。後漢鮑永傳。一德之正也。左氏文元年傳。又大戴記衛將軍文子。一者德之厚也。賈子大政上。

○有德之美也賈子道德說○臣事君也論語述而文行信釋文○吏以愛民爲一賈子大政上○稱良吏曰一論衡荅佞○危身奉上曰一周書諡法○逆命而利君謂之一荀子臣道○逆命利君謂之一說苑臣術○彊其君所不能爲一也袁宏後漢紀引孟子○言合稷契之謂一法言孝至○臣以下不非其君上爲一後漢范升傳○外內倡和爲一左氏昭十二年傳○除閹以應外謂之一國語晉語○中能應外一也國語周語○信禮之本也禮記禮器○謂衣服之物禮記曲禮上不竭人之注○史記仲尼弟子傳孔一

集解引家語一字子茂

蟲

有足謂之一爾雅釋蟲○有足曰一列子黃帝禽獸一蛾釋文○有足者也爾雅釋蟲釋文○

之爲言屈申也古微書引春秋考異郵○風爲一家語執轡○一狩也淮南覽冥狡一死注○煩氣爲一

淮南精神○一一而熱詩雲漢蘊隆一一傳○詩草

蟲釋文一本或作虫靈臺昆一釋文一本或作虫○

詩雲漢一一韓詩作炯○春秋

一牢春秋繁露竹林作蠱牢

而徐盈注○一虛也中也一切經音義廿六引字書

○一猶虛也文選潘正叔贈陸機詩注引字書褚淵

碑文注引字林○一中也文選鶴鵝賦注引字書又

老子道一而用之注○一調也淮南詮言謂之太一

注○一至也呂覽重言飛將一天注○一猶升也素

問解精微論惋則一陰注○一童書盤庚下肆予一

人傳○一雅也漢書翟義傳集注○幼少在位曰一

後漢冲帝紀注○一漠一虛恬漠也文選七命一漠

公子注○一一聲也詩七月鑿冰一一釋文○一一

垂飾貌詩蓼蕭儻革一一傳○一一鑿冰之意詩七

一東

中

一

一

月鑿冰——傳○書金騰惟予——人弗及

知史記魯周公世家作惟予幼人弗及知

終也廣雅釋詁四○一盡也釋名釋喪制○一謂盡

也素問診要經終論願聞十二經脈之一注○一畢

也國語周語庶人——食注魯語——則講於會注○一

竟也爾雅釋言彌——也注○一者竟也孟子萬章下

是以未嘗有所——三年淹也注○一猶竟也論語衛

靈公吾嘗——口不食皇疏又文選幽通賦——保已而

貽則今注○一猶卒竟也論語堯曰天祿永——皇疏

也——猶已也左氏僖廿四年傳婦怨無——注○一成

也國語周語純明則——注○一猶成也國語周語故

高朗令——注○一充也儀禮士冠禮廣——幅注○一

卒也國語周語今自大畢伯仕之——也注又呂覽音

律審民所——注○一死也國語周語司民協孤——注

○——謂——沒也文選報孫會宗書送其——也注○坤

爲一易訟一朝三拈之虞注萃有孚不虞注象上

傳一則有始虞注○坤爲永一易象下傳君子以永

一知敝虞注○事卒爲一禮記檀弓上君子曰一注

○樂義曰一大戴記小辨○君子曰一禮記檀弓上

文王世子文王九十七乃一注○老者曰一禮記檀弓上

醫死一則各書其所以注○十成爲一禮記鄉飲酒義節文

注引司馬法○一遂猶充備也禮記鄉飲酒義節文

一遂焉注○三辭曰一辭不許也儀禮士冠禮賓禮

辭許注○一始者物之極莊子達生遊乎萬物之所

始注○一古久也莊子大宗師一古不忒釋文引

崔注○齊人之言一古猶言常也考工記總目則於

馬一古登陴也注○歲一自周季冬也周禮宰夫歲

一注大司徒歲一注○且至食時爲一朝易訟一朝

三褫之釋文引馬注○自旦及食時爲一朝詩采綠

一朝采綠傳○一日風爲一風詩終風一風且暴傳

○一風西風也詩終風釋文引韓詩○一南長安南

山也後漢班彪傳注○一葵椎也考工記玉人杼上

一葵首注又禮記內則注杼上一葵首釋文又後漢

馬融傳注○一牛棘爾雅釋木○一即馬棘也爾

雅釋木注○爾雅釋草終葵繁露釋文一本作終

戎一大也書盤庚上乃不畏一毒于遠邇傳又詩縣

傳烝民續祖考傳韓奕續祖考傳江漢肇敏一

公傳烈文念茲一功傳又爾雅釋詁又後漢宋宏傳

注○一大也宋魯陳衛之間或曰方言一○一相

也詩常棣烝也無一傳又爾雅釋言○一拔也廣雅

釋詁三○一拔也自關而東江淮南楚之間或曰一

方言三○一汝也後漢周舉傳注○一猶女也詩民

勞一雖小子箋崧高一有良翰箋烝民續一祖考箋

韓奕續一祖考箋江漢肇敏一公箋○一者兕也通

鑑注引風俗通○一者強惡也白虎通禮樂○西方

曰一禮記王制又周禮職方氏辨其邦國都鄙四夷

曰一禮記王制又周禮職方氏辨其邦國都鄙四夷

八蠻七閩九貉五十六狄之人民司農注○西辟之

民曰大戴記千乘○狄夷蠻皆氏羌之別種也

左氏隱二年經公會于潛注○離爲一易同人

伏于莽虞注夙莫夜有虞注象上傳自我致寇虞

注象下傳君子以除器虞注又禮記檀弓上兵也易象下傳

君子以除器虞注又禮記檀弓上事乘驪注中

庸壹衣注又國語周語以致於商牧注制以

果毅注商必克注晉語必有女注非則非吾

所知也注吳語王不如設注又淮南時則以習五

注又文選東京賦士介而揚揮薛注○軍旅

也家語弟子行材任治注○器軍器也禮記王

制器不粥於市注謂伐惡書大禹謨惟口出

好興傳○卽謂兵事周禮巾車以卽注○

醜大衆爾雅釋天醜攸行注五謂五兵弓矢

及牙戈戟也禮記月令以習五注○五注五兵謂

刀劍矛戟矢也呂覽季秋以習五注○刀劍矛戟

矢曰五淮南時則以習五注元兵車也文

選閒居賦其西則有元禁營注小兵車也詩

小戎小倭收傳又國語齊語故五十人為小注

○路兵車也禮記月令乘路注車革路也

周禮戎僕掌馭車注車革路之等也詩六月

路之萃注路白路也呂覽孟秋乘路注車革路也

叔謂之荏菽爾雅釋草叔胡豆管子戒出冬蔥

與叔布之天下注宣王尸犬之神名也爾

海經大荒北經犬有赤獸名曰宣王尸注爾

雅釋言釋文本作拔釋畜釋文為

本作馘易解致釋文本作寇

崇書作宥高也考工記總目於軫四尺注輪

已注旂人尺注梓人廣與方注匠人堂

三尺注廣與方注又儀禮大射儀大侯之見鵠

于參注又禮記檀弓上於是封之四尺注王制樂

樂

正一四術注文王世子一德也注明堂位一玷注又
爾雅釋詁又國語周語不一注藪注封一九山注天所
之子孫注夫宮室不一注魯語若爲小而一注齊
語唯女是一注晉語其子孫不可不一注也注又後漢
班彪傳上注班彪傳下注二見又文選思元賦二女
感於一嶽今舊注○一充也書君奭其終出于不祥
馬注又儀禮鄉飲酒禮一酒注鄉射禮一酒注大射
儀主人不一酒注燕禮主人不一酒注有司徹再拜
一酒注又禮記樂記六成復綴以一注又爾雅釋詁
又釋名釋道又荀子賦會不一口注又楚辭招魂汜
一蘭些注○一重也書盤庚中高后不乃一降罪疾
傳又詩鳧鷖福祿來一傳又公羊僖三十一年傳不
一朝而徧雨乎天下者注又爾雅釋詁又後漢李固
傳注○一終也詩蝮螫一朝其雨傳河廣會不一朝
箋又國語楚語思念前世之一替注又淮南汜論不
一朝而雨天下注○一聚也書酒誥矧曰其敢一飲

傳又左氏隱六年傳芟夷蘊之注僖廿四年傳棄

德一姦注文十八年傳飾惡言注昭元年傳卒

也注又廣雅釋詁三又漢書五行志中之下集注○

積也廣雅釋詁一○尚也漢書禹貢傳集注○

尊也國語周語一立上帝明神而敬事之注○

猶尊也禮記祭統一事宗廟社稷注○厚也詩烈

文維王其之箋○長也左氏成十八年傳今將

諸侯之地注○猶益也國語周語用巧變以

天災注○多也爾雅釋宮八達謂之期孫注○

叢也小爾雅廣詁○立也詩烈文維王其之

傳○猶興也文選東京賦進明德而業薛注○

飾也國語周語容貌有注楚語容貌之注○

亦爲充盈爾雅釋詁一充也注○高盛也後漢

杜篤傳注○高貌也文選甘泉賦一園丘注

○八達曰一期釋名釋道○國名禮記明堂位

鼎注○密繇國國語周語有密伯繇注○山南裔

也書舜典放驩兜于山馬注又後漢馮勤傳注朱

穆傳注○牙家語終記設一殷也注○牙上

飾卷然可以縣也詩有薺一牙樹羽傳○密古一字

漢書郊祀志上集注地理志上集注地理志下集注

○詩文王有聲既伐于一書大傳作既伐于密○書

牧誓是一是長漢書谷永傳作是宗是長○考工記

總目一於戈四尺釋文一本作古密字○左

氏宣元年經晉趙穿帥師侵一公羊作柳

嵩或作崧○一高也爾雅釋詁○一者高也風俗通

山澤○一言其高大也白虎通巡狩○一竦也亦

高稱也釋名山○山大而高曰崧爾雅釋山○山

大而高曰一釋名釋山○一高為中嶽爾雅釋山○

一高中嶽也東謂太室西謂少室總名一也文選懷

舊賦注引戴延之西征記○崧音一本亦作一晉書

音義上○桐柏碑宮廟一峻三公山碑

厥體一厚唐扶頌一如不傾聳皆作一

松

江東呼蕪菁爲一爾雅釋草須葑蓂舊注○一須聲相近同上

弓

一穹也張之穹隆然也釋名釋兵○一有緣者謂之爾雅釋器○骨飾兩頭曰一爾雅釋器一有

緣者謂之一李注○坎爲一易解得黃矢虞注旅射雉一矢亡虞注繫辭下傳一矢者器也虞注○坎爲

一輪易說卦傳○一矢者器也易繫辭下傳○一矢所以征不義伐無道也白虎通考黜○揮作一一切

經音義十六引世本○禮天子雕一諸侯彤一大夫嬰一士盧一公羊定四年傳挾一而去楚注○大

者武王之戎一也穀梁定八年傳○一益櫟也考工記輸人一鑿廣四枚注○今文改一爲弘儀禮鄉射

禮記侯道五一一注

躬

一身也詩谷風我一不閱箋一自悼矣箋一儀王一是保箋又周禮小司寇不一坐獄訟注又儀

禮鄉射禮記倍中以爲一注又禮記少儀不疑在一

注樂記致禮以治一則莊敬注祭義致禮以治一則

莊敬注又公羊宣十五年傳一足以亡爾注又論語

里仁恥一之不逮也皇疏述而一行君子皇疏鄉黨

鞠一如也皇疏衛靈公一自厚而薄責於人皇疏堯

曰天之厯數在爾一皇疏又爾雅釋詁又廣雅釋親

又漢書刑法志集注司馬相如傳下集注引張揖又

大元周還遇一外注大一自鑑注又法言先知一工

人績注○一猶身也論語子路吾黨有直一者皇疏

又文選東京賦一追養於廟祧薛注○一體也史記

司馬相如傳一腩胝無胈索隱引張揖又呂覽孝行

嚴親之遺一也注○體中曰一易渙渙其一荀注○

一親也漢書敘傳上集注又呂覽孟春一耕帝籍田

注○一猶親也儀禮士昏禮記己一命之注○一猶

己也禮記樂記不能反一注○一恭也禮記緇衣匪

其止其釋文引皇本云○一行者政之始也大戴記

其止其釋文引皇本云○一行者政之始也大戴記

其止其釋文引皇本云○一行者政之始也大戴記

其止其釋文引皇本云○一行者政之始也大戴記

其止其釋文引皇本云○一行者政之始也大戴記

其止其釋文引皇本云○一行者政之始也大戴記

其止其釋文引皇本云○一行者政之始也大戴記

子張問入官。○坤爲一。易蹇匪一之故。虞注震震不于其一。虞注。○坤身稱一。易蒙見金夫不有一。虞注。○命圭七寸謂之一圭。考工記玉人。○論語子路吾黨有直一者。釋文一。鄭本作弓。○書牧誓其于爾一。有戮。史記周本紀作其于爾身有戮。○禮記樂記不能反一。史記樂書作不能反己。○詩谷風我一不閱。禮記表記作我今不閱。

宮

律麻志上。○一者中也。白虎通五行又風俗通聲音引劉歆鐘律書。○一之言中也。史記天官書皆曰紫一索隱引元命苞。○一之爲言中也。廣韻引白虎通。○一者中也。君也。爾雅釋樂。一謂之重。劉注。○一者容也。含也。白虎通禮樂。○一君也。廣雅釋詁。○一者音之君也。淮南天文。○一聲之主也。國語周語。○一者中央之音也。春秋繁露循天之道。○土謂一。

○一者中央之音也。春秋繁露循天之道。○土謂一。

白虎通禮樂。○土也。呂覽季夏其音。注又淮南

時則其音。注。○土聲也。素問金匱真言論其音

注。○謂土音大而和也。素問陰陽應象大論在

音爲。注。○黃鐘爲。淮南天文。○羽在左君也

物也。禮記玉藻左。羽注。○縣四面縣也。周禮小

胥王。縣司農注。又禮記郊特牲諸侯之。縣注。○

四面有牆故謂之。縣。周禮小胥王。縣司農注。○

新。小雅逸篇也。儀禮燕禮記。下管新。注。○謂

圍障之也。禮記喪大記。君爲廬。之注。○謂圍繞

之。爾雅釋山。大山。小山。霍注。○隱蔽之言。周禮

內宰以陰禮教六。注。○艮爲。易剝貫魚以。人

寵虞注。困入于其。虞注。○穹也。屋見於垣上穹

隆然也。釋名釋宮室。○室謂之。爾雅釋宮。○猶

室也。楚辭招魂實滿。些注。○廟也。詩采芣公侯

之。傳又。呂覽重己。其爲。室臺榭也。注。○宗廟

也。詩雲漢。自郊徂。箋。○楚。謂宗廟也。詩定之方

中作于楚一箋。○一廟親之神靈所憑居。穀梁成三年傳其哀禮也。注。○下。一親廟也。禮記文王世子諸子諸孫守下。一下室注。○羣公稱。一禮記明堂位以禘禮祀周公于太廟注。○羣公稱。一公羊文十三年傳。○羣公曰。一穀梁文十三年傳。○一者存時所居緣生事死。因以爲名。後漢明帝紀注。○天子行所立名曰行。一文選吳都賦。行。一之基歟。劉注。○婦人稱寢曰。一。周禮內宰以陰禮教六。一注。○六。一謂后也。同上。○皇后正寢。一燕寢。五。是爲六。一。後漢皇后紀注。○一謂墻垣也。禮記儒行。儒有一畝之。一注。○一謂墻土以爲墻處。周禮司儀。一旁一門注。○一謂墻土爲墉以象牆壁也。儀禮覲禮爲。一。方三百步注。○一壇營城也。禮記祭法。王。一祭日也。注。○司。一天子曰小宰。儀禮燕禮。司。一尊于東楹之西注。○司。一大夫宰之屬掌。一廟者也。儀禮公食大夫禮記。司。一具兒注。○一卿謂爲大長秋也。後漢宦者傳注。○一室妻。

子也荀子大略賜子其一室注○一者五神之舍也

素問生氣通天論陰之五注○王曰壇禮記祭

法王祭日也注○斗北斗魁星也禮斗威儀

斗端明注○三謂紫一太微文昌也楚辭遠遊後

文昌使掌行今注○淫刑也書呂刑辟疑赦傳

○謂幽閉也後漢光武紀下注○士庶人外淫者

一割列女傳貞順○一者丈夫則割其勢女子閉於

中不得出也古微書引尚書刑德放○一者女子淫亂執

刑○一當爲官周禮小宰掌建邦之一刑杜注○穀

梁桓十四年傳內之三釋文一本作官○漢書古

今人表幽王一淫呂覽當染注作官皇○

書君奭南一括釋文引馬本作南君括

國語鄭語命之曰祝一注又史記屈原賈生傳彌

屈

明也御覽引崔靈恩禮記義宗又釋名釋邱又

一煥正義引顧野王又文選月賦淪精而漢道一注
○一朗也左氏昭五年傳明而未一注又後漢李膺
傳注○一高也左氏昭五年傳明而未一服注○一
也詩既醉昭明有一傳又爾雅釋詁又國語周語
顯一昭明注又文選東京賦昭明有一薛注○一長
也宋衛荆吳之間曰一方言一○一者續也白虎通
號○一猶通也文選景福殿賦品物咸一注○一猶
銷也文選遊天台山賦一而爲川瀆注○一和樂
也左氏隱元年傳其樂也一注○淳耀天地曰祝
一祝睦後碑○祝一者屬續也白虎通五行○一泄
動貌也文選景福殿賦隨雲一泄注○一齋聲長貌
文選笙賦泓宏一齋注○一風良之風也後漢蔡邕
傳下注○再成銳上爲一邱爾雅釋邱○銳上曰一
邱釋名釋邱○一與彤古字通文選思元賦展洩洩
以彤
形注

雄

威勢盛也。楚辭大招：赫赫。注：一。張猶熾盛也。後漢班超傳注：虹雙出色，鮮盛者爲一。

後

漢馬融傳注：引郭璞：以翼右揜左。爾雅釋鳥：一。

○

復載謂之一。載廣雅釋器：易繫辭正義引帝王

世

紀伏羲曰：皇一氏。禮記月令正義作黃熊。

○

國語吳語：王孫一。吳越春秋作王孫賂。

帝

有天下號曰有。一者獨宏。大道德也。白虎通號：黃

帝

有天下號曰有。一者獨宏。大道德也。白虎通號：黃

○

左氏文十八年傳：仲一。潛夫論五德志：作仲雄。

左

氏昭十二年經：楚殺其大夫。

成

公羊作成。然穀梁作成。虎。

○

窮詩七月：一。室熏鼠傳：東

○

山酒婦一室箋。○一。隆亦爲大也。爾雅釋詁：一。大

也

注：一。隆天之形也。太元元告天：一。隆而周乎下

注

：一。崇高貌。文選長門賦：鬱竝起而一。崇注：一。

○

一。崇注：一。

隆長曲貌文選西京賦閣道隆注遊天台賦跨

隆之懸磴注○隆巒起回窳也文選上林賦

隆雲繞郭注○蒼蒼天也爾雅釋天○蒼蒼天

詩柔柔以念○蒼傳○皇一天也文選寡婦賦仰皇

今歎息注○谷深谷也文選西都賦注引韓詩

章句又後漢班彪傳上注○室鼠穴也詩東山洒

埽一室箋○讀如蒼之一考工記鞞人一者三

之一注○讀爲志無空邪之空考工記鞞人司農

注○史記天官書如羣畜一閭索隱引

鄒氏云一作弓閭天文志亦作弓音一

閭皆大也莊子知北遊彷徨於一閭釋文引李

注○一恚盛貌方言二一怒也楚曰一注○氣

言憤畜不通之氣也莊子

盜跖佞溺于一氣釋文

竇一終也漢書律曆志上集注引孟康○已也淮

南原道並應無一注○竟也小爾雅廣詁○

竇

盡也論語堯曰四海困一皇疏又莊子養生主指一
於爲薪注又列子湯問飛衛之矢先一注又淮南脩
務一道本末注○一極也廣雅釋詁一又後漢酷吏
傳注又荀子富國縱欲而不一注又法言重黎卒一
時戮注又呂覽決勝則不可一矣注安死智巧一屈
注又楚辭雲中君橫四海兮焉一注又文選西京賦
目觀一薛注東京賦不一樂以訓儉薛注○一困也
國策秦策公孫衍欲一張儀注○一窮也楚辭天問
阻一西征注○一貧也廣雅釋詁四○坤稱一易象
下傳志一災也虞注○一謂終始莊子庚桑楚與物
一者物入焉注○一無喜太元元衝○一思索太元
元錯○一於道之謂一風俗通窮通又莊子讓王又
呂覽慎人○說而不能一也大戴記曾子立事○一
謂爲物所困也荀子富國離居不相待則一注○一
謂計無所出也荀子禮論亂則一注○一者罰之也
呂覽振亂○一謂不省之人周書常訓上賢而不一

注○謂一寃失職周禮大僕以待達一者與遽令
司農注○鰥寡孤獨曰一呂覽季春賜貧一注慎大
以振一困注又淮南時則助貧一注○無告者所謂
一民也莊子天下吾不敖無告注○一民天民之
而無告者周禮大司寇以肺石達一民注○一者有
四曰矜曰寡曰孤曰獨周禮大司徒三曰振一注○
一一流極於此山也山海經大荒南經赤水一焉注○
不○不止也禮記儒行儒有博學而不一注○一君
小國迫脅之君也管子脩身不如事一君而順焉注
○一髮北方無毛地也莊子逍遙遊一髮之下釋文
引崔注○一髮北極之下無毛之地也莊子逍遙遊
釋文引司馬注○有一國名書五子之歌有一后羿
傳○一石山名也淮南墜形一奇廣莫風之所生也注○
奇天神也淮南墜形一奇廣莫風之所生也注○
奇號曰神狗山海經西山經邽山有獸焉名曰一
奇注○儀禮聘禮注鞠一如也釋文一本作躬

風

注又廣雅釋言○一猶放也詩北山或出入一議

箋

○一放也氣放散也釋名釋天○一汜也其氣博

汜

而動物也釋名釋天○一之爲言萌也白虎通八

風

○一之爲言萌也其立字虫動於几中者爲風古

微

書引春秋考異郵○一氣也廣雅釋言又淮南汜

論

一先萌焉注○一動也廣雅釋詁○一化也國

策

秦策從一而服注又漢書百官公卿表上集注引

張晏

禮樂志集注司馬相如傳下集注楊雄傳下集

注

儒林傳集注二見又呂覽先識此亡國之一也注

審分

此亡國之一也注又淮南本經天下莫不從一

注

倣真而外淫于世俗之一注又楚辭憂苦思余俗

之流

一兮注○一猶化呂覽適音而移一平俗者也

注

○一俗呂覽音初聞其聲而知其一注○一教也

書說

命下時乃一傳又漢書武帝紀集注○一吹也

廣雅

釋言○一落也呂覽審時如此者不一注○一

運氣也。素問六元正紀大論其運一清熱注。○一者陽氣也。素問瘧論。○谷一陽氣也。楚辭謬諫虎嘯而谷一至今注。○一土氣也。易說卦傳巽爲一陸注。又書洪範曰一鄭注。○一土也。爲木妃。書洪範星有好一鄭注。○一木令也。素問五常政大論脾其畏一注。○一木一也。淮南天文虎嘯而谷一至注。○一木化也。素問五常政大論一雲並興注。○一者木之氣也。其音角也。春秋繁露五行五事。○一巽也。易繫辭上傳潤之以一雨虞注。○巽爲一。易說卦傳又後漢張衡傳注。○一衆也。廣雅釋詁三。○一羽也。廣雅釋器。○一采也。國語晉語一聽臚言於市注。○大塊噫氣其名爲一。莊子齊物論。○一者天地之使也。文選風賦注引河圖帝通紀。○一者天之號令。文選東京賦聲與一翔薛注。又素問陰陽應象大論東方生一注。天元紀大論神在天爲一注。○一者天之命令也。易象上傳一行天上九家注。○一者天之號令所以教

人也後漢蔡邕傳下○一者天之號令所以譴告人
也後漢寇榮傳注○一者天之號令所以譴告人君
者後漢蔡邕傳注張奐傳注○一於陽則爲陰於陰
則爲大臣之象南齊書五行志引洪範五行傳○八
坎爲廣莫一艮爲條一震爲明庶一巽爲清明一
離爲景一兌爲闕闕一坤爲涼一乾爲不周一太元
元規擬之八一注○八一者東方嬰兒一南方大
弱一西方剛一北方大剛一東北方凶一東南方弱
一西南方謀一西北方折一素問八正神明論○一
師箕也周禮大宗伯以標燎祀司中司命羈師雨師
司農注○一師者箕星也風俗通祀典○一伯箕星
也後漢班彪傳下注又淮南原道使一伯埽塵注○
一伯神箕星也其象在天能興一獨斷上○一角謂
候四方四隅之以占吉凶也後漢郎顛傳注○繫
水土之一氣故謂之一漢書地理志下○一言賢聖
治道之遺化也周禮大師曰一注○一迹一化之迹

也後漢朱浮傳注○一歌也論衡明雩引論語一乎

舞雩說○一曲也山海經大荒西經太子長琴始作

樂一注○一者諸侯之詩詩國風釋文○動物曰一

詩序一也釋文引劉氏說○由我化物則謂之一

北堂書鈔引周續之詩序義○一謂諷動也後漢皇

甫嵩傳注○一謂一采漢書何武傳集注○一問一

猷令問後漢高彪傳注○一涼也論語先進一乎

舞雩皇疏○一乾身也論衡明雩引論語一乎舞雩

說○厥陰爲一素問天元紀大論寒暑燥濕一火注

○一者百病之長也素問王機真藏論○一府穴名

也素問熱論其脈連於一府注○東一草也文選吳

都賦東一扶留劉注○一主蟲大戴記易本命○凡

蟲爲一之字論衡商蟲○牝牡相誘謂之一左氏僖

四年傳惟是一馬牛不相及也服注○一走逸書費

誓馬牛其一鄭注○青徐言一踞口開唇推氣言之

釋名釋天○一兗豫司冀橫口合唇言之同上○一

或作分淮南原道春一至注○讀曰諷漢書食貨

志下集注藝文志集注燕王澤傳集注齊悼惠王肥

傳集注灌嬰傳集注婁敬傳集注梁孝王武傳集注

衛青傳集注霍去病傳集注司馬相如傳集注三見

卜式傳集注嚴助傳集注王褒傳集注賈捐之傳集

注朱雲傳集注常惠傳集注鮑宣傳集注章元成傳

集注趙廣漢傳集注三見馮野王傳集注孔光傳集

注朱博傳集注何武傳集注楊雄傳上集注二見楊

雄傳下集注三見董賢傳集注匈奴傳上集注三見

匈奴傳下集注二見西南夷傳集注二見南粵王傳

集注西域傳上集注元后傳集注二見王莽傳上集

注二見王莽傳下集注敘傳上集注敘傳下集注二

見又後漢崔琦傳注○詩序

也釋文一崔本作諷

楓一也釋文一崔本作諷

日一爾雅釋木舍人注○一樹厚葉弱莖大風則鳴故

梓椽椽薛注○木卽今香樹山海經大荒南

經有木生山上名曰木注○柳皆香木名也文

選吳都賦木則

柳椽樟劉注○大也易象下傳又詩豐年一年多黍多稌傳又

人角欲青白而末注又方言一又矢人羽則遲注弓

功謂之仁注又漢書五行志下之上集注又後漢

班彪傳注又太元大牆峭陟注又莊子山木夫

狐文豹釋文引司馬注又楚辭懷沙謹厚以爲注

○者大也易序卦傳○厚也國語周語艾人必

注民人也注晉語今晉侯不量齊德之否注

兄弟之國注利以民注又後漢胡廣傳注又楚

辭大招肉微骨注○猶厚也周禮大司徒其民

肉而庫注○盛也國語楚語不爲約舉注又

文選東京賦仁洽道薛注○茂也詩湛露在彼

一草傳生民第厥一草箋又禮記曲禮下非曰一本

注又國語周語一碩九藪注○一饒也文選西京賦

地沃野一薛注東京賦外一葭茨薛注○一滿也廣

雅釋詁一○一多故也易雜卦傳○凡物之大貌曰

一方言一○燕趙之閒言圍大謂之一方言二○一

腆厚光大之義易豐釋文○一之為義闢宏微細通

夫隱滯者也易豐注○一融盛貌文選琴賦一融披

離注○一彤林木貌也後漢馬融傳注○一盈肥滿

也文選神女賦貌一盈以莊姝兮注○一年大有年

也詩豐年一年多黍多稌箋○趙魏之郊燕之北鄙

凡大人謂之一人方言二○一文王所都書畢命至

于一傳○一文王廟所在書召誥則至于馬注○

一水即泡水也水經泗水注○一可奠射爵者儀禮

大射儀賓之弓矢與中籌一注○一形似豆卑而大

儀禮燕禮有一注○一承尊器如豆而卑儀禮聘禮

記有一注○一所以承觶者也如豆而卑儀禮公食

經禮集注 卷一 一東 流 莊

大夫禮加于一注○以承尊也說者以爲若井鹿

盧近似豆大而卑矣儀禮大射儀有一注○罰爵之

一作人形一國名其君坐酒亡國戴杆以爲戒蠹崇

義三禮圖○莞書顧命敷重一席傳○一席刮凍

竹席書顧命敷重一席鄭注○一字從豆曲聲儀

禮大射儀有一注○一匹忠反易豐釋文引字林

一滿也左氏襄卅一年傳寇盜一斥注又廣雅釋

孟一又漢書董仲舒傳集注又後漢郭伋傳注又

珍則胃一注又素問湯液醪醴論津液一郭注解精

微論髓者骨之一也注又文選東京賦龍輅一庭薛

注○一猶滿也離騷蘇糞壤以一幃今注愍命伊臯

之倫以一廬注○一盈淮南兵略此善爲一榦者也

注○一實也穀梁莊廿五年傳言一其陽也注又漢

書蕭望之傳集注又荀子儒效若夫一虛之相施易

也注又呂覽下賢精一天地而不竭注正名不肖者

之一注審分一以卑下注又淮南精神使神滔蕩而
不失其一注塞也廣雅釋詁三又釋名釋首飾
又小爾雅廣詁一大也淮南說山近之則鐘音一
注一猶大呂覽必己禍一天地注一猶全也列
子仲尼南郭之貌一心虛注一備也公羊桓四年
傳三曰一君之庖注又小爾雅廣言一猶足周禮
大府以一府庫注一常也漢書楊雄傳上集注又
後漢班彪傳下注一猶居也周禮圉師射則一楛
質注一行也廣雅釋詁一猶覆也禮記玉藻
服之襲也一美也注一猶肥也周禮地官序官一
人注又儀禮特牲饋食禮宗人視牲告一注一養
也方言十三又廣雅釋詁一竟也小爾雅廣詁
○陰陽姦謂之一周書文政一虛爲害注一誠立而
敢斷輔善而相義者謂之一大戴記保傅一盈猛
厲荀子子道顏色一盈注一歡喜失節之貌禮
記儒行不一詘於富貴注一詘踴躍參擾之貌家

語儒行不一詘於富貴注○幅廣爲一方言一○一耳盛飾也詩旄邱衰如一耳傳○一耳塞耳也詩旄邱衰如一耳箋○宋司徒皇父字一石左氏文十一年傳○一或爲統禮記儒行不一詘於富貴注○一本或作甃晉書音義中○漢石門

頌八方所達益域爲一衝作一

隆高也小爾雅廣詁又國策齊策雖一薛之城注又史記高祖紀一準而龍顏集解引應劭又漢書

高帝紀集解引應劭王吉傳集注又後漢光武紀上

注李固傳注又孟子音義上引丁音又呂覽期賢段

干木之一注又淮南汜論一衝以攻注○一盛也禮

記檀弓上道一則從而一釋文又國語晉語無德而

福一注又吳語大夫奚一於越注又國策秦策常秦之

一注又呂覽論威此義兵之所以一也注序意災日

一注長利子孫彌一注又淮南汜論世主之一也注

又楚辭怨思棄一波而南度兮注○一猶盛也禮記

樂記是故樂之一注。○一者盛也高也。史記禮書是謂太一索隱。○一猶高也盛也素問生氣通天論曰中而陽氣。一注。○一上也易大過棟。一虞注。○一長也漢書王莽傳上。集注。○一猶尊也荀子致士。君者國之一也注。○一厚也荀子儒效有師法則。積矣注。禮論故三年以為一注。○一猶厚也史記禮書以。殺為要索隱。○一多也淮南繆稱禮不。一注。○一猶多也禮記祭義頒禽。一諸長者注。○一猶備也荀子賦皇天。一物以示下民注。○一豐厚荀子禮論以。殺為要注。○一謂尊盛之也禮記經解是以先王。一之也注。○一崇高也文選西京賦乃。一崇而宏敷薛注。○一崇竦起也文選子虛賦。一崇峯萃郭注。○一積不平貌文選海賦鬱沓而。一積注。○一禮謂盛行禮也禮記經解。一禮由禮謂之有方之士注。○一而雷詩雲漢。蘊一蟲蟲傳。○一豐。一為雷文選思元賦雲師難以交集兮注。○一豐。一雷也。後漢張衡傳

注又淮南天文豐一乃出注○豐一雷公也○水經河水注又文選思元賦豐一軒其雷霆兮舊注○雲師謂之豐一廣雅釋天○豐一曰雲師○文選思元賦雲師難以交集兮注○宛中一爾雅釋山○山中央高爾雅釋山注○一屈輿也○廣雅釋器○車枸簾南楚之外謂之蓬或謂之一屈○方言九○一強言體一而強也○釋名釋車○一當作格○呂覽察微○吳楚以此大一注○詩彼都人士箋無一殺也釋文一俗本作降

空

一通也漢書張騫傳集注引蘇林○一孔也漢書張騫傳集注李廣利傳集注鮑宣傳集注○一穴也漢書百官公卿表上集注○一穿也漢書鮑宣傳集注○一猶穿也漢書溝洫志集注○一大也詩白駒在彼一谷傳○一猶虛也論語先進屢一皇疏○一猶虛中也論語先進屢一集解○一息也文選別

賦巡層楹而一揜注○一待也方言十三又廣雅釋

詁二○一盡也詩大東杼柚其一傳又爾雅釋詁○

一滅無也文選西京賦察貳廉一薛注○不執著為

一後漢西域傳注○一怒也呂覽下賢一乎其

不為巧故也注○一無識也論語子罕一一如也

皇疏○一窮匱也論語先進屢一皇疏○一首拜頭

至手所謂拜手也周禮大祝三曰一首注○司一掌

營國邑詩縣乃召司一箋○司一主水土之官也淮

南時則命司一注○司一水土之官也後漢王梁傳

○一石石穴也荀子解蔽一石之中有人焉注○一

穴巖穴也淮南原道一穴之中足以適情注○一桑

山名也周禮大司樂一桑之琴瑟注又楚辭大司命

踰一桑兮從女注○北戴斗極為一桐爾雅釋地○

一桑瑟名也楚辭大招定一桑只注○一奪即蛇皮

脫也山海經中山經峽山多一奪注○詩白駒在彼

一谷韓詩作在彼穹谷○論語子罕一一如也釋文

經音義古

卷一 東 公 三

鄭本作恹恹。○列子黃帝至

人潛行不釋文一本作室

公。其也。荀子解蔽。此心術之一患也。注又文選高

唐賦。樂聚穀注。猶共也。禮記禮運。天下爲

注。者通也。白虎通爵。廣也。釋名釋言語

詳也。淮南原道。此俗世庸民之所見也。注。

平也。淮南脩務。何可以論乎。注。者爲言平

也。古微書引春秋元命苞。正也。廣雅釋詁。一又

呂覽貴公。昔先聖王之治天下也。必先注。故老聃

則至矣。注。大樂平出於注。序意。則知無由注。

又淮南原道。與民同出于注。序意。則知無由注。

臣。正注。功也。詩六月。以奏膚傳。淮南主術。羣

詩采繁。夙夜在箋。天保。于先王傳。靈臺。矇眊奏

傳。文王有聲。王伊濯。箋。江漢。肇敏戎。傳。酌實

維爾。允師傳。又周禮。均人。豐年。則旬用三日焉

注。又爾雅。釋詁。君也。詩臣工。敬爾在傳。又周

禮家人掌一墓之地注又儀禮喪服一為適子之長

殤中殤注又禮記雜記上一七踊注昏義教於一宮

注又穀梁隱元年傳言君之不取為一也注又論語

子罕出則事一卿皇疏鄉黨入一門皇疏季氏祿之

去一室五世矣皇疏又爾雅釋詁又釋名釋親屬○

一國君也儀禮既夕禮一賙元纁束注○一者國人

尊君之稱也孟子滕文公上注○一子君之庶子也

儀禮喪服記一子為其母注○一邑君邑也公羊昭

五年傳不以私邑累一邑也注○一幣君之賜也儀

禮聘禮上賓之一幣私幣皆陳注○一猶官也周禮

牛人掌養國之一牛注巾車掌一車之政令注○居

其官曰一周禮職喪凡一有司之所共注○一士在

官之士儀禮鄉射禮記大夫與則一士為賓注○立

制及眾曰一周書諡法○伯能移善於眾與百姓同

謂之一周書太子晉○一之為言一正無私也白虎

通爵又古微書引春秋元命苞○兼覆無私謂之一

賈子道術

○無私爲一

太元昆

人寄命于一注○

志無私也

周書諡法注

○一無私也大戴記子張問

入官

大城而一治之注

○一者對私之名列子天瑞

一

道也注

○一諸侯也通典引儀禮喪服馬注又國

語周語

一行下衆注

王立飫注○五等諸侯民皆

稱曰

穀梁僖五年經

冬晉人執虞一注○一祖也

史記外戚世家

封一昆弟索隱

○夫之兄曰一釋名

釋親屬

○一長老之號

漢書睦閔傳集注○一者老

人之稱

漢書田叔傳集注

○一相呼尊老之稱漢書

溝洫志集注

○凡尊老周晉秦隴謂之

一方言六○

爵書武成

一劉克篤前烈傳

又詩公劉正義引書

大傳

○天一謂天子也

後漢南匈奴傳注○一者臣

之極也

易益告一用圭注

小過一弋取彼在穴注○

一五等之上

穀梁桓十八年傳

薨稱一舉上也注○

一上

也國語楚語

升以爲一注○王者之後稱一

公羊隱五年傳

○一二王之後及王之上

一周禮大

宗伯一執桓圭注○一謂上一九命及二王後也孟

子萬章下位注○天子三稱一公羊隱五年

傳○坐而論道謂之三考工記總目○三一者所

以參五事也說苑臣術○三一者天子之相獨斷上

○三一司馬司徒司空也大戴記保傅注引今尚書

說○三一者司空司馬司徒也韓外傳八○一孤也

儀禮大射儀若有諸一則先卿獻之注又禮記燕義

不以一卿爲賓注○諸一則先卿獻之注又禮記燕義

記若有諸一注○諸一者謂大國之孤也燕禮若有

諸一注○諸一者謂大國之孤也燕禮大射儀諸一

阼階西北而東上注○大國之孤四命也儀禮士

喪禮升一卿大夫注○大國有孤四命謂之一儀禮

鄉飲酒禮諸一大夫注○諸侯之子稱一子諸侯之

孫稱一孫論衡感類○一諸侯同族也禮記文王

世子一族其有死罪盧注○一司馬國司馬也周禮

夏官序官家司馬各使其臣以正於一司馬注○一

司馬注○一

有司亦士之屬命於君者儀禮特牲饋食禮記若有
一有司私臣皆殺齊注○一邑謂六遂餘地周禮載
師以私邑之田任甸地注○一門也詩羔羊退食
自一傳○一府三一府也後漢靈帝紀注○一堂學
校也詩七月躋彼一堂傳○一館與一所爲曰一館
禮記會子問○一館者一宮與一所爲也禮記雜記
上○一館若今縣官舍也禮記會子問注○一車門
名一車所在因以名焉後漢光武紀下注○一車署
名也一車所在故以名焉後漢和帝紀注○兄一今
俗呼兄鍾語之轉耳爾雅釋親夫之兄爲兄一注○
今文一爲君儀禮聘禮一使卿贈如覲幣注○左氏
襄七年傳一登亦登漢書五行志中之上作君登亦
登○詩靈臺矇矇奏一楚辭章句作矇矇奏工○左
氏昭廿五年傳季一鳥說文作空鴝○陳球碑一子
完適齊爲一正工作一○樊安碑以一德加位功
作一○一非字辟方史記周木紀索隱引皇甫謐

功 一 事也。詩七月載績武一傳崧高世執其一傳又殺梁宣十二年傳又小爾雅廣詁又後漢宋宏傳

注又太元密並天一也注○一成也周禮彙人乃入

于司弓矢及繕人注又洪範五行傳維鮮之一注

又爾雅釋詁○一成也國語齊語相陳以一注○

一攻也攻治之乃成也釋名釋言語○一勝也周禮

大司馬若師有一注又爾雅釋詁○一名也呂覽誣

徒從師苦而欲學之一也注○國一曰一周禮司勳

又國語晉語無庸者不敢居高位注○能成德法

者為有一大戴記盛德○始取天下為一賈子數寧

○以富樂民為一賈子大政上○有益者謂之一春

秋繁露考功名○用力曰一漢書高祖功臣年表○

一謂王業後漢張奮傳注○一臣也禮記大傳二

曰報一注○一謂有大勳也後漢應劭傳注○一吏

職也周禮宮正稽其一緒注○一戰一也荀子議兵

隆禮效一上也注○一農一周禮大司寇上一糾力

注○一以養民大戴記四代○一者人所貪也禮記

表記與仁同注○一牢也國語齊語辨其一苦注

○一謂堅利管子七法器械不一注○一謂堅美管子

子小匡辨其一苦注○一謂器之精好者荀子王制

辨一苦注○一精好加一者也荀子議兵械用兵革

一完便利者強注○九一謂九職也周禮大府掌九

貢九職九一之貳注○婦一謂絲枲周禮九嬪婦德

婦言婦容婦一注○小一者兄弟之服也儀禮喪服

傳○大八升若九升小一者兄弟之服也儀禮喪服

服記○一布鍛濯灰治之布也儀禮士喪禮幕奠用

一布注○一布灰治之布也儀禮既夕商祝免袒執

一布入注○一裘卿大夫所服周禮司裘季秋獻一

裘司農注○故書一為工鄭司農工讀為一周禮肆

師凡師不注○一字或作攻漢書董賢傳集注○

書舜典惟時亮天一史記五帝紀作惟時相天事○

書金縢公乃自以為一史記魯周公世家作公乃自

以為一史記魯周公世家作公乃自

以爲質。○史記孝武紀申。一。封禪書。一。作公。

易繫辭注。則有經營之。一。也。釋文。一。本。作。迹。

○考工記。審。曲。面。執。以。飭。五。材。以。辨。民。器。謂。之。百。一。

○巧。心。勞。○總。目。○巧。者。述。之。守。之。世。謂。之。一。同。上。○巧。心。勞。

手。以。成。器。物。曰。一。公。羊。成。元。年。傳。何。以。書。注。○作。巧。

成。器。曰。一。漢。書。食。貨。志。上。○一。作。器。物。者。周。禮。大。宰。

五。曰。一。事。之。式。注。○凡。執。技。藝。者。稱。一。儀。禮。燕。禮。席。

一。于。西。階。上。注。○善。其。事。曰。一。詩。楚。茨。一。祝。致。告。傳。

○一。能。攻。玉。者。周。禮。天。官。序。官。玉。府。一。八。人。注。○三。

玉。爲。一。一。也。淮。南。道。應。元。玉。百。一。注。○一。官。也。書。堯。

典。允。釐。百。一。傳。又。詩。臣。工。嗟。嗟。臣。一。傳。又。儀。禮。少。牢。

饋。食。禮。皇。尸。命。一。祝。注。又。周。書。大。戒。朕。聞。維。時。兆。厥。

一。注。又。廣。雅。釋。詁。四。又。小。爾。雅。廣。言。又。國。語。魯。語。夜。

傲。百。一。注。鄭。語。擇。臣。取。諫。一。注。又。漢。書。薛。宣。傳。集。注。

谷。永。傳。集。注。引。李。奇。又。法。言。先。知。躬。一。人。續。注。○一。

者。官。也。後。漢。袁。紹。劉。表。傳。注。○一。能。也。大。戴。記。文。王。

官人進退一故注○一巧也廣雅釋詁三又華嚴經
音義下引韻譜又史記酈生陸賈傳一女下機索隱
又楚辭招魂一祝招君背行先些注○一巧師也論
語衛靈公一欲善其事皇疏○一大師也儀禮鄉飲
酒禮一不辭洗注○一樂師也文選舞賦諸一莫當
注○一樂官書益授○一以納言傳○一樂人也大戴
記保傳一誦正諫注又文選長笛賦一巧士注○
樂人稱一禮記樂記乙賤一也注○一瞽矇歌諷誦
詩者也儀禮燕禮席一于西階上注○一女功也文
選長楊賦一不下機注○一巽爲易說卦傳○一桑飛
自關而東謂之一商方言八○一古者與功同字周
禮肆師凡節不功注○一與紅同文選在元城與魏
太子賤女一吟詠於機杼注○一書皇陶謨天一其人共
代之漢書律厯志作天功人其代之益稷苗頑弗卽
史記夏本紀作苗頑不卽功○一書堯典允釐百
史記五帝本紀作信節百官漢書律厯志作允釐百

官○左氏昭廿六年傳一

賈不變釋文一本作商

攻一治也書甘誓左不一于左傳又周禮瘍醫凡療

政一乎異端集解又皇疏先進小子鳴鼓而一之皇

疏顏淵一其惡皇疏又周書繼匡車不雕一注又廣

雅釋詁三又小爾雅廣詁又國語楚語庶民一之注

又漢書董賢傳集注又呂覽上農農一粟工一器注

又管子版法一之以官注○一猶治也考工記總目

凡一木之工七注○一猶習也後漢范升傳注○一

作也詩靈臺庶民一之傳○一猶作也左氏昭卅一

年傳一難之士注○一善也爾雅釋詁○一堅也詩

車攻我車旣一傳又後漢班彪傳下注馬融傳注○

一者堅也文選魏都賦物背竄而就一劉注○一一

堅家語六木巧而好度必一注○一巧也國策西周

策是一用兵注○一堅也廣雅釋詁一○一擊國策

秦策寬則兩軍相一注○一猶今人言擊也史記劉

敬叔孫通傳一苦食啖集解引徐廣○一摩也易繫

辭下傳愛惡相一虞注○一錯也詩鶴鳴可以一玉

傳○一伏也廣雅釋詁三○一謂奪其計使不成也

周書大武四一者注○一者責也責讓之也論衡順

鼓○一說則以辭責之周禮大祝五曰一六曰說注

○一說祈名周禮庶氏以一說禴之注○一祭祈名

周禮翦氏以一祭攻之注○一祭名也周禮大祝五

曰一司農注○一謂槎伐其林木山海經大荒南經

有雲雨之山禹一雲雨注○一駒也者教之服車數

舍之也大戴記夏小正執陟一駒傳○一健也廣雅

釋獸○河北切一字爲古琮與工公功三字不同顏

氏家訓音辭○一當爲功荀子議兵械用兵革一完

使利者強注○左氏宣二年傳一靈公於桃園釋文

一本

作弑

蒙

一冒也。易明夷以一。大難釋文。又周禮方相氏掌一熊皮。注。又左氏襄十四年傳。一荆棘。注。又漢書

宣帝紀。集注。淮南厲王長傳。集注。又灌夫傳。集注。翟

方進傳。集注。又後漢光武紀。上注。荀彧傳。注。又呂覽

知接。一衣袂而絕乎壽宮。注。又淮南主術。萬人一之

而不編。注。一見冒亂也。書洪範曰。一恒風若鄭注。

一者君臣上下相冒亂也。後漢郎顛傳。一載也。

國語晉語。遼條。一膠注。一覆也。詩君子偕老。一彼

綉綸傳。又左氏襄十年傳。而一之。以甲以爲櫛。注。定

六年傳。以小忿。一舊德。注。又方言十二。又小爾雅。廣

詁。又國語。楚語。猶一耳也。注。一奄也。爾雅釋言。一

蔽也。漢書楊惲傳。集注。一裹也。左氏昭十三年

傳。以幕。一之。注。一破也。國語晉語。問一甲冑。注。又

漢書成帝紀。集注。禮樂志。集注。杜欽傳。集注。東方朔

傳。集注。梅福傳。集注。陳湯傳。集注。諸葛豐傳。集注。孫

寶傳。集注。王嘉傳。集注。董賢傳。集注。一猶被也。漢

書

書五行志中之下集注司馬遷傳集注○一猶破也

冒也漢書叔孫通傳集注○一目也犯也漢書東方

朔傳集注○一犯也漢書嚴助傳集注○一欺也左

氏僂廿四年傳上下相一注又服注昭元年傳又使

圍一其先君注昭八年傳其哉其相一也注昭廿八

年傳一王與合尹注又後漢酷吏傳注○無以教天

下曰一易蒙釋文引稽覽圖○一厖也詩小戎一伐

有苑箋○一有太元元文罔一相極注○一雜而著

易雜卦傳○一戎以言亂也詩旄邱孤裘一戎傳○

一戎亂貌詩旄邱釋文○一者亡之主也太元元文

○一盛貌楚辭白悲微霜降之一一注○一一也

易蒙釋文○一者一也物之碎也易序卦傳○一稚

也易蒙釋文○一幼小之貌易序卦傳物生必一鄭

注○一童一也文選陶通賦杏孤一之眇眇兮曹注

○良為童一易蒙匪我求童一虞注○一士例謂下

士書伊訓具訓于一士傳○一謙稱也文選西京賦

竊惑焉薛注○一氣也後漢郎顛傳注○一日光
不叨一然也釋名釋天○一陰闇也書洪範曰一傳又後
象論徇一招尤注○一暗也廣雅釋訓○一南方也夏
漢黃瓊傳注○一暗也廣雅釋訓○一南方也夏
也物之修長也皆可得而載也太元元文○一山也
詩閼宮奄有龜一傳○一羽二山名書禹貢一羽其
藝鄭注○蔡一二山名書禹貢蔡一旅平傳○西至
日所入爲大一爾雅釋地○一討羽也詩小戎一伐
有苑傳○一供其首一茸然荀子非相仲尼之狀面
如一俱注○一王女爾雅釋草○一卽唐也爾雅釋
草注○放臯之山有木焉其名曰一木服之不惑山
海經中山經○南方有鳥焉名曰一鳩荀子勸學○
一鳩鷓鴣也荀子勸學注○一頌猱狀爾雅釋獸○
一讀爲厄荀子榮辱爲下國駿一注○一當爲蔑荀
子勸學注○書洪範曰一周禮大卜注作日孟史記
宋微子世家作日霧漢書五行志作日霽○爾雅釋

地西至日所入爲大。釋文：一作濛。○史記宋微子世家曰：霧集解引徐廣曰：一作日被。○孟子離婁下

逢。荀子作逢門。鹽鐵論作逢須。

濛 雨貌。詩東山：零雨其濛。○一汜日所入也。文選蜀都賦：沛若一汜之涌波。劉注：○詩東山：零雨

其濛。楚辭章句十

二：作零雨其濛。

管 土也。淮南說山：貂裘而負一管。○一受土也。淮南精神：負一土注。○一竹箴也。周禮司弓矢

充一箴矢注。○一古草名。管子地員：其山之淺有。與斤注。○一脫鷄也。廣雅釋鳥

管 一管也。左氏宣十四年傳：鄭昭宋。一注。○一無知也。淮南說林：雖一蟲而不自陷注。○一不聞也。莊

子逍遙遊：一者無以與乎鐘鼓之聲。釋文：○一無所聞也。呂覽尊師：其聞不若一注。○一耳不聞也。文選

七命注引蒼頡。○耳不聞宮商曰。論衡別通。○耳不別五音之和曰。國語晉語。○噴不可使聽注。○耳不能別清濁之聲則謂之。韓非子解老。○上無聞則謂之。說苑正諫。○籠也。如在蒙籠之內聽不察也。釋名釋疾病。

名釋疾病。

櫛通作櫛。○櫛疏也。一切經音義十二引蒼頡。○櫛舍也。廣雅釋室。○一牢也。同上。○櫛所以成禽獸

也。華嚴經音義上引三蒼。○珠櫛以珠飾疏也。文選鮑明遠翫月詩。蛾眉蔽珠櫛注。

櫛聲也。廣雅釋詁四。○玲金玉之聲。太元唐亡

彼。玲注。○禱旱玉爲。漢書楊雄傳音義引字

林。○力東切。文選東都賦注引埤蒼。

洪大也。書堯典湯湯。水方割傳。又洪範傳。又詩

長發。水芒芒傳。又爾雅釋詁。又漢書武帝紀集

經傳集詁

卷一

東

集韻洪

書

注成帝紀集注郊祀志下集注董仲舒傳集注司馬

相如傳下集注翟方進傳集注翟義傳集注楊雄傳

上集注四見敘傳下集注又後漢質帝紀注班彪傳

上注蔡邕傳下注又孟子滕文公下注水也注又素

問六元正紀大論注水迺從注又文選西京賦注鐘

萬鈞薛注東京賦注恩素蓄薛注典引鋪觀二代

織之度蔡注注織猶大小也後漢班彪傳下注

一祀大祀也晉書引劉向洪範五行傳注代也書

康誥乃大誥治鄭注秀穎德行之謂一池清蘗薛注

至一池名也文選東京賦於東則一池清蘗薛注

○書益稷注水滔天史記夏本紀作鴻水滔天洪範

緜陸一水宋微子世家作緜陸鴻水洪範天乃錫禹

洪範九疇宋微子世家作天乃錫禹鴻範九等洪範

不畀洪範九疇宋微子世家作不從鴻範九等後漢

書質帝紀作

鴻範九疇

紅 絳也。白色之似絳者也。釋名釋采帛。赤白也。楚辭招魂。壁沙版注。赤色貌。史記司馬

相如傳。杳渺以眩。潘索隱引晉灼。即朱也。法

言吾子。或問蒼蠅。紫注。縹謂之。廣雅釋器。

者中祥大祥。以爲緣領也。史記孝文本紀。服大

釋草。功也。史記孝文本紀。索隱引劉德。龍古爾雅

山名也。水經溱水注。讀曰功。漢書景帝紀。集注

○字當爲絳。漢書侯表傳。集注。董仲舒傳。集注。

瀑亭。至于乎曲。綏民校尉熊君碑。詔

書除補桂陽曲。長曲江皆作曲。

鴻 大也。史記夏本紀。水滔天。索隱。又漢書禮樂

志。集注。又後漢班彪傳。下注。二見。又大元元文。

文無范注。元瑩。本五行注。元告。故元。綸天元注。

又呂覽愛類名。曰水注。又淮南原道。與天地。洞

又呂覽愛類名。曰水注。又淮南原道。與天地。洞

又呂覽愛類名。曰水注。又淮南原道。與天地。洞

又呂覽愛類名。曰水注。又淮南原道。與天地。洞

注要略此烈之泰族也注又楚辭逢紛一永路有

嘉名注又文選魯靈光殿賦一熿熿以燻閭張注○

厖一皆大也文選封禪文湛恩厖一注○一盛也呂

覽執一神農以一注○一代也爾雅釋詁○一傭也

考工記梓人搏身而一注○一鴈之大者曰一楚辭悼

亂一鷗兮振翅注○一鴈于飛傳又左氏襄十六年傳

賦一鴈之卒章注又後漢班彪傳注○一鴈也楚

辭招魂煎一鴛些注○一水鳥也易漸一漸于干注

又後漢蔡邕傳注○一鳥之長脰者也儀禮鄉射禮

記以一脰韜上二尋注○一取飛有行列也禮記曲

禮上前有車騎則載飛一注○一鴛大鳥楚辭初放

斥逐一鴛兮注○一鶴也楚辭大招鴛一羣晨注

○一水也楚辭天問不任泊一注○一池池名也水經穀

荀子成相禹有功邶下一注○一池池名也水經穀

水注○一都門名後漢靈帝紀注○能精思著文連

結篇章者爲一儒論衡超奇○一讀子贛之贛淮南

精神頌濛一洞注○一與洪古字通文選四子講德

論夫一均之世注○塢或一字同胡工反一切經音

義十一引聲類○塢古一字漢書司馬相如傳上集

注○古文塢作唯一切經音義十一○禮記少儀注

一殺之意釋文一本作洪樂記注聲之一殺也釋文

一本作洪縑衣注深淵

一波釋文一本作洪

攻一攻也純陽攻陰氣也釋名釋天○一陰陽交氣

也呂覽孟冬一藏不見注○一謂陰陽交接之氣

而著之形色華嚴經音義下引蔡雍月令○一陽氣

之動也釋名釋天○一陰中之陽也淮南時則一藏

不見注○一天氣也禮記聘義氣如白一注○日旁

氣白者爲一古微書引尚書璇璣鈴○凡日旁氣色

白而純者名爲一後漢郎顛傳○一者雜色也淮南

天文一蜺彗星者天之忌也注○一蠓螭也蔡邕月

一頁

合章句又集韻引字林又山海經海外東經重垂各

有兩首注又淮南時則始見注○蠖蝮也文選

西京賦巨蝮之長梁薛注○蠖蝮謂之禮記月令

呂覽季春始見注○藝文類聚引蔡邕月令又爾雅釋

始見注○雄曰藝文類聚引蔡邕月令又爾雅釋

天釋文引郭音義又文選西京賦旃蜺旄薛注○

雄爲淮南天文蜺彗星者天之忌也注○蜺

陰氣也後漢楊賜傳注○陰陽交爲霓古微書引

春秋元命苞○俗亦呼爲青絳也爾雅釋天蝮蝮

也釋文○采旗也楚辭遠逝建采以招指注

古文作犴一切經音義四○虫

或作漢書天文志集注引如淳

或作藪亦作藪○聚也廣雅釋詁三又呂覽達

哉馬注○細也後漢馮衍傳注○勝總聚小小

之事書益稷鄭注○勝細碎無大略書益稷傳○

一收也廣雅釋詁三○聚木曰一淮南倣眞獸走一薄之中注○柴棘爲一楚辭招魂一菅是食些注○

一物荏葦之屬周禮大司徒其植物宜一物注○菘古菘字漢書東方朔傳集注○江南詩古木皆爲一

聚之一顏氏家訓書證○菘或爲族書大傳卿雲菘菘注○詩葛藟傳灌木一木也釋文一俗作菘木作

最○公羊僖卅三年取一左氏作取些嬰

翁集韻翁或从頁○一父也廣雅釋親○一者父也漢書高帝紀下集注○一者老人之稱漢書匈奴

傳上集注○凡尊老周晉秦隴謂之公或謂之一方言六○額頂也廣雅釋親○一頭下毛山海經西山

經天帝之山有鳥焉黑文而赤一注○一音汲甕之甕同上

菘一蒼也詩采芑有琇一珩傳○青謂之一禮記玉藻三命赤斂一衡注又爾雅釋器○一青色也荀

子性惡桓公之一注○一淺青爾雅釋器注○一青

之異色爾雅釋器孫注○蔥龍皆青盛貌也文選江

賦潛蒼蔥龍注○蔥翠駢色也文選射雉賦停僮蔥

翠徐注○一齊桓公劔名荀子性惡注○一嶺西域

山也後漢馬融傳注○一嶺山名在敦煌西後漢章

帝紀注○一嶺山其上多一因以爲名後漢班超傳

注引西河舊事○其山高大上生蔥故曰

蔥嶺水經河水注○一蒲莞也廣雅釋草

聽一聞也詩兔爰尚寐無一傳○一聽也廣雅釋詁

四○聽曰一春秋繁露五行五事○遠聽曰一楚

辭沈江遭慎君之不注○聞審謂之一管子宙合

○一者能聞事而審其意也春秋繁露五行五事○

耳微爲一莊子外物○莊子人閒世注

見耳而責師曠之一釋文一本作聽

通一達也小爾雅廣詁又呂覽論人一則觀其所禮

注簡選此不一乎兵者之論注○一至也國語晉

語道遠難注○洞也無所不貫洞也釋名釋言

語○開也漢書何武傳集注○猶共也後漢來

歷傳注○連比也周書大聚與田疇皆注○

利也呂覽達鬱血脈欲其也注○猶順也淮南

主術則治道注○坎為注○易說卦傳彖上傳唯

君子為能注○天下之志虛注○象下傳而其志注○也虞

注中正以注○往來不窮謂之注○易繫辭上傳

困窮而注○者不滯之謂也荀子不

推而行之謂之注○者不滯之謂也荀子不

苟則可謂注○知淮南主術天下之物無

不注○也者得也莊子齊物論○謂得其

理荀子正名足以相注○則舍之矣注○君子注○於道

之謂注○風俗通窮通又莊子讓王○博覽古今者為

人論衡超奇○因水入水曰注○漢書地理志上集

注○井十為注○周禮小司徒注引司馬法○人迹所

及為注○莊子則陽而反在注○達之國注○天冠名

也文選東京賦冠一天薛注○眸子明而不正曰

視言一達曰匡一方也釋名釋疾病○一問謂相稱

謝也禮記曲禮上嫂叔不問注○一姪也廣雅釋

詁一○一者姪一公羊莊廿七年傳公子慶父公子

牙一乎夫人注○旁注曰一左氏桓十八年傳齊侯

焉服注又小爾雅廣義又國語晉語一於驪姬注

○凡淫曰左氏襄廿五年傳莊公

焉服注○陸一字接輿高士傳

○子天瑞據一而指釋文又楚辭沈江若縱火於秋

之注○一草名也詩騶虞彼茁者一傳○一蒿草萊

之閒也後漢邊讓傳注○一非直達者也莊子逍遙

遊天子猶有之一之心也夫注○一者短不暢曲土之

謂莊子逍遙遊釋文引向注○一盛貌詩采芣其

葉一傳○一風貌莊子秋水一然起于北海

釋文引李注○一龍猶一轉風貌楚辭怨思飄風一

龍注○一勃氣出貌文選笙賦鬱一勃以氣出注○
一累猶扶持也史記老莊申韓傳則一累而行索隱
引劉氏○一者蓋也史記老莊申韓傳索隱○一髮
一頭亂髮山海經西山經玉山西王母一髮注○一
廬蓬條覆也淮南木經民之專室一廬注○一萊海
中山名也楚辭傷時從安期兮一萊注○屏一卽并
封也語有輕重耳山海經大荒西經有獸左右有首
名曰屏一注○莊子說劍皆一頭突鬚釋文一木作
縫

栲車栲簍南楚之外謂之一方言九○栲簍今亦通

煠呼一方言九注
一燎也詩白華印一于煠傳又爾雅釋言又廣韻

引字林○一以火燎也爾雅釋言舍人注○一具
凶甘凶二反爾雅
釋言釋文引字林

瀟 一益也廣雅釋詁一。一高貌文選高唐賦沫

瞽 一盲也廣雅釋詁三。一盲者也楚辭懷沙一瞽

有目眈而無見謂之。周禮春官序官瞽一司農注

○一有目眈而無見也詩有瞽箋瞽一也釋文○有

眸子而無見曰一詩靈臺一瞽奏公傳又國語周語

一誦注晉語一瞽不可使視注又後漢竇融傳注○

無珠子曰一文選演連珠注引韓詩章句○一曰有

眸子無珠子古今韻會引字林○一有眸子而失明蒙

蒙無所別也釋名釋疾病○一僮一也楚辭沈江冀

幸君之發一注○人未學問曰一論衡量知○一者

竹木之類也同上○一與蒙古字

通文選長楊賦迺今日發一注

瞻 一欲明也一力束切文選秋興賦注引埤蒼

忽

一明也。呂覽下賢。一平其心之堅固也。注。

礪

礪磨也。廣雅釋詁三。一磨也。穀梁莊廿四年傳。斷之。一之釋文。又國語晉語。斲其椽而。一之注。又

荀子性惡。鈍金必將待。一厲然。後利注。礪磨盡也。

淮南說林。舌之與齒。孰先。礪也。注。一厲也。詩閟宮。

傳。枚枚。一密也。釋文。一礪也。廣雅釋器。一礪之。

也。書大傳。斲其材而。一之注。礪石名也。法言學行。

夫有刀者。

礪諸注。

罽

一網也。文選鸚鵡賦。尚何懼於。一罽注。一罽也。詩兔爰。雉離于。一傳。又爾雅釋器。罽謂之。一爾

雅釋器。施羅于車上。曰。一詩兔爰。釋文引韓詩。一

鳥網也。後漢班彪傳上注。烏罽謂之。一法言淵。

騫。抗辭免。一注。一上凶。

反詩兔爰。釋文引字林。

經籍叢書

卷一

一東

忽至

毛

蝻 廣韻蝻同。春秋之一者。蟲災也。藝文類聚引劉向洪範五行傳。○蟲災也。穀梁桓五年傳。僖十

五年傳。○猶衆也。公羊文三年傳。記異也。注。○

之爲言。衆暴寡也。古微書引春秋佐助期。○蝻者。煩

擾之所生。公羊桓五年傳。記災也。注。○始生曰蝻。大

曰蝻。公羊宣十五年傳。未有言蝻生者。注。○一日

蝗也。列子仲尼折春蟲之股。釋文。○蝗子也。爾雅釋蟲

經。東山經。見則一蝗爲敗。注。○蝗子也。爾雅釋蟲

蟲。一。纂李注。○今人謂蝗子爲一。詩草蟲釋文。引毛

詩艸木疏。○斯。一。斯。蝻也。詩螽斯。一。斯。羽傳。又。後漢

荀爽傳。注。○斯。一。蝻也。詩七月。五月。斯。一。動。股傳。

○一。蝻。蝻之屬。穀梁桓五年經。一。注。○一。蝻。蝻之屬。

左氏桓五年經。一。注。○一。斯。名。蝻。一。名。蝻。一。名。蝻。一。名。蝻。

而小。太平御覽引毛詩提綱。○一。似。蝗。而。小。今。謂。之。

土。蝻。依。雅。釋。蟲。土。一。蟻。谿。注。○一。蝗。引。無。也。廣。雅。釋。

蟲。○一。螿。蟲。也。太元遇罔遇。一。注。○一。醜。奮。爾。雅。釋。

蟲○禮記郊特牲注螟之屬釋文一本作蠨左氏

僖十五年八月一釋文一本作蠨公羊哀十三年蠨釋文

釋蟲阜一蠨釋文一本作蠨公羊哀十三年蠨釋文

蠨本作一○古文蠨同止戎反一切經音義十

書禹貢一水攸同漢書地理志作鄴水迨同東會

于一作東會于鄴○書禹貢正義引地理志一水

出扶風鄠縣東南漢書地理志

右扶風鄠縣作鄠水出東南

瘡一病也史記平原君虞卿傳臣不幸有罷一之病

集解引徐廣又後漢光武紀下注引蒼頡○一病

篤疾淮南覽冥平公一病注○一小便

不通素問五常政大論其病一闕注

蒙一覆也周書太子晉若能一予反而復之注又廣

雅釋詁二○一巾也書大傳下刑墨一注又方言

四又廣雅釋器○巾主覆者故名一方言四注○幘

一蓋覆也法言吾子然後知夏屋之爲幘一也注○

一茂也

廣雅釋訓

一亂也詩抑視爾一傳又正月視天一釋

注○一煩懣亂也爾雅釋訓顧野王注○一惡

貌也詩正月釋文引韓詩○壽一吳子乘左氏襄十

年傳注○一亡忠反左氏

昭廿年傳釋文引字林

深集韻或作濃○一水會也詩鳧鷖鳧鷖在一傳又

文選吳都賦效獲一注○一水外之高者也詩鳧

鷖箋○一厓也廣雅釋邱○濃與一同文

選謝靈運經湖中瞻眺詩仰聆大壑濃注

通作虹○一潰也詩召旻蝻賊內一傳○虹潰也

詩抑實虹小子傳又爾雅釋言○一爭訟相陷人

之言也詩召旻箋○爾雅釋

釋文虹顧作一李本作降

國 一 小也 廣雅釋詁二 ○ 一 木之細枝者也 文選魏
都賦 弱 一 係實劉注 ○ 木細枝謂之杪 青齊充冀

之 閒謂之

一 方言二

罍 一 罍也 爾雅釋器 一 罍謂之九罍 釋文 ○ 一 今之
百囊 罍是亦謂之罍 今江東謂之 一 爾雅釋器注

○ 一 八十縷也 史記孝景本
紀 令徒隸衣七 一 布正義

嶺 三 一 山在閩喜文選上林賦注引 郭璞三蒼

從 獸 一 歲爲 一 廣雅釋獸 ○ 一 歲爲 一 周禮大司馬
大獸公之司農注 ○ 一 歲曰 一 詩騶虞 壹發五 一

傳 ○ 豕 一 歲曰 一 詩七月言私其 一 傳 ○ 豕 一 之大者

謂之 豕 小者謂之 一 小爾雅廣獸 ○ 一 豕 一 生六月也

爾雅釋獸 釋文引字林 ○ 豕 一 生三 一 爾雅釋獸 ○ 豕

生三 曰 一 詩騶虞箋又七月箋 ○ 周禮大司馬注 一

經籍集詁

卷下

東

莫形

聖

歲爲一釋

文作猥

雨 暴雨謂之雨。爾雅釋天：○暴雨爲一雨。楚辭：大司命使一雨兮灑塵。注：○今江東呼夏月暴雨爲一

雨。爾雅釋天注：○瀧沾濕貌。

荀子：議兵。隴種東籠而退耳。注。

冲 心。一憂也。爾雅釋訓：○一猶衝衝也。詩：草蟲憂

松 山高貌。詩：崧高。高維嶽傳：○高大曰一。爾雅釋

山：山大而高。李注：○一卽嵩也。俱高大之貌。爾

雅釋山：釋文：○山大而高曰一。詩：崧高傳：○山大而

高。爾雅釋山：○詩：崧高。高維嶽。禮記：孔子問居

注：作嵩。高維嶽。○公羊莊四年注：一高維嶽。記：孔子問居

釋文：一本作嵩。爾雅釋山：釋文：一本作嵩。

相尋不絕之意。爾雅釋天：商曰：一孫注：○商曰：一

者。一不絕。公羊宣八年傳：釋者何注：○一者

相尋不絕之意。爾雅釋天：商曰：一孫注：○商曰：一

者。一不絕。公羊宣八年傳：釋者何注：○一者

爾雅釋天○祭之明日又祭殷曰一書高宗彤日傳
○一與融同後漢張衡傳注○一本或作彤晉書音

中義

茂

一美貌詩下泉一一黍苗傳○一一黍苗傳○一一長大貌詩
黍苗一一黍苗傳○一一木盛貌詩棫樸一一棫

樸傳○一一小獸貌詩何

草不黃有一者狐傳

豐

一鄒二水名後漢馮衍傳注○左氏文七年傳一
舒漢書古今人表作豐舒○漢書古今人表一侯

律麻志引

逸書作豐

豐

一熬麥也儀禮有司徹一蕢注○熬麥曰一周禮
邊人其實一蕢注○一麥之牙蘗也荀子富國取

其將若

撥一注

聖賢集古

卷十

一東

此至阿

三

缸 一 轂鐵也。後漢班彪傳上注。○車。一 齊燕海岱之閒謂之鍋。自關而西謂之一。方言九。

饅 一 滿簋貌。詩大東有。一 簋殮傳。

霧 集韻或作霧霧。○一 冒也。洪範五行傳厥咎。一 注。○一 者氣澤鬱鬱冥冥也。書洪範曰蒙鄭注。○天

氣下地不應曰。一 爾雅釋天。○霧天氣下地不應也。晉書音義上。○霧與蒙同。文選甘泉賦霧集而蒙合

今注。○爾雅釋天。釋文。一 本作霧。

曹 一 晦也。太元曹。一 復暎天注。○一 不明也。一切經音義廿六引。三蒼。○一 猶蓼蓼也。太元曹。一 一

之離注。○一 漸也。小爾雅廣言。○一 久而益憂。太元元衝。○一 割阻。太元元錯。

洞 一 痛也。詩思齊神罔時。一 傳。又爾雅釋言。又廣雅釋詁二。又國語晉語。神罔時。一 注。又後漢和帝紀。

注張衡傳注又文選思元賦後辰而無及舊注○

猶痛也史記燕召公世家百姓怨一索隱○一無

知貌晉書音義中○詩思齊神罔時一說文人部

作神罔時侗詩柔柔哀一中國釋文一本作痾

總一數也詩羔羊素絲五一傳○周禮掌客注十筮

郭云龍一皆峻貌史記司馬相如傳崇山龍一正義引

櫻一今一木山海經中山經實如一莢名曰植楮注

之山其木一名栢閭音馬駿之駿山海經西山經石脆

多一注

和也詩靈臺鼉鼓一傳○一鼓聲也詩

靈臺釋文引埤蒼○詩靈臺釋文一一本作謔○

一切經音義八引詩

鼉鼓一一作謔謔

伺

注○未成器之人也論語泰伯一而不愿集解引孔

書

顧命在後之說文

言部作在夏后之詞

撞

○一牛爾雅釋畜○一牛名爾雅釋畜釋文引字林

燭

集韻炯或作燭○炯焚也廣雅釋詁二○炯焚氣

經音義下引韓詩傳○一炯謂燒草傳火焰盛也華嚴

然熱貌也一切經音義四引

人爾雅

恣

誠也廣雅釋訓○一誠愆也論語泰伯一

而不信鄭注○一誠愆之貌後漢劉瑜傳注

謂野慤也論語泰伯皇疏○一慤慤也論語泰伯

集解引

包注

臙

一豐也廣雅釋詁四。一豐也自關而西秦晉之

槽

周禮遂人注。眊猶一釋文。一木作槽。

囀

一謂喉。一爾雅釋鳥。亢鳥。一注。一一亢鳥之頸

龐

一充實也。詩車攻。四牡。一一傳。

蒞

一作蒞。蒞馬蓼也。廣雅釋草。

鬃

一聚也。廣雅釋詁三。金一者馬冠也。後漢馬融

駟

一繫也。呂覽開春。叔嚮爲之奴而一注。一三。一國

駟

名書序。遂伐三。一傳。一書序。遂伐三。一史記殷本

紀作遂

伐三變

臆

臆欲明也。徒東切。文選秋興賦注引埤蒼。臆言未晤也。後漢張衡傳注。

戕

戕也。廣雅釋室。

種

本作重。厚也。廣雅釋詁三。先種後孰謂之。周禮內宰而生稊之種。司農注又晉書音義。中。早種晚熟爲重。呂覽任地種重禾不爲重注。後熟曰重。詩七月黍稷重穆傳。種直龍反。五經文字引字林。詩七月黍稷重穆釋文重本作種。闕宮黍稷重穆釋文重本作種。周禮內宰而生稊之種釋文。本作童。詩七月黍稷重穆周禮內宰注。作黍稷種。說文禾部作黍稷種。稊。詞。引字林。書願命在後之伺馬注。又禮記祭統正義。

師 一舟也廣雅釋水

鼠 鼠爾雅釋獸○一豹文鼠也爾雅釋獸釋文引

籟 字林○籟文一作籟一切經音義一

菽 一菽即大荳也列子力命進其一菽釋文引鄭元

○一菽即胡荳也列子力命釋文○爾雅釋草菽

一葵釋文

一本作戎

駮 絕有力一爾雅釋畜○馬八尺爲一同上○一即

有力一釋文

一本作戎

芻 一窮也楚辭愍命芻一葉於澤洲兮注○一芻

一名江蘼山海經西山經其草多葍葍一窮注

一浮貌漢書地理志下集注○一中庸之聲

風 左氏襄廿九年傳美哉一一乎注

汎

文作汎同一切經音義十五

蕪

蕪菁苗也齊民要術三引字林○蕪菁也陳楚之郊謂之蕪菁也

玩

作菘方言三注

音充本或作玩音書音義上

恣

恣後漢卓茂傳注引字書又張衡傳注引

卬

音日弄反漢書楊雄傳音義引字林

鉅

鉅謂之廣雅釋器

艘

艘舟也廣雅釋水○外狹而長曰艘釋名釋

行充其宜謂之義反義爲一賈子道術

禮

廣韻祠同。袴齊魯之閒或謂之一方言四。今俗呼袴踦爲一方言四注。○祠亦一字異耳方言

四

無祠之袴注。○音鮒魚方言四注。

輶

輪或曰一言輶總入轂中也釋名釋車

穆

猶束也周禮掌客車乘有五簋注。○一聚貌莊子則陽是。○何爲者釋文引李注。○十筥曰

筥

儀禮聘禮記又國語魯語出。○禾秉芻缶米注。○十曰

注

○一子工反儀禮聘禮釋文引字林。○古文一

禮

總也詩東門之枌越。○以邁箋又烈祖。○假無言傳又左氏昭廿年傳。○假無言注。○數詩東

門之粉傳○詩烈祖一假無

言禮記中庸作奏假無言

犬生三爾雅釋畜

獲

一 聲也廣雅釋訓

髻

一 髮髮亂貌集韻引字林

蟻

一 蜂也廣雅釋蟲○遙燕趙之間謂之蟻一

蠖

言十一○一蠖似蟻爾雅釋蟲釋文引字林

隴

一 有也廣雅釋詁

○

以下據廣韻錄隴山音屋棟之棟山海經北山經秦戲之

洞

集韻或从犬○洞音吟洞之洞山海經東山經秦

山有獸焉名曰洞洞注

甌也廣雅釋室

竟也廣雅釋詁三

葵藜露爾雅釋草

揆椎也廣雅釋器

融沆瀣深廣之貌文選海賦注

舌屬集韻引字林

有國名也讀如嵩高之嵩淮南墜形有在

不周之北注

集韻或作躬○一一謹敬也廣雅釋訓○躬躬謹敬貌也史記魯周公世家躬躬如畏然集解引徐

廣○一音窮窮同上○史記魯周公

世家綱綱集解引徐廣曰一本作夔夔

左氏昭二十年經曹公孫會自一出奔宋穀梁

作夢

一憂也廣雅釋詁一

憊

都鄉正街彈碑一一黍稷其作一

甞

一大也廣雅釋詁一

鞞

莊子謂難黃也大戴記子張問人官一統塞耳

注

一篋師延所作靡靡之樂也後出於桑閒濮上之

地蓋空國之侯所存也釋名釋樂器

一桑也廣雅釋草

稔

憤

一慙也。漢書敘傳上音義引李奇。一惑也。漢書敘傳上音義引孟康。一憤也。漢書敘傳上音義

林引字

霰

集韻濛或作霰。一一雨也。廣雅釋訓

麩

一麩也。方言十三。又廣雅釋器。麩有衣麩。方言十三注。一糲也。廣雅釋器

輓

一輓也。廣雅釋器。車轄齊謂之一。方言九。車輓上者謂之一。小爾雅廣器

穉

一穉也。廣雅釋詁四

蠶

一打蠶。爾雅釋蟲。一蚶。一蜚蜴也。廣雅釋魚。一苦蝦蟆也。同上

坑

一坑也。廣雅釋水

蝻

蟲在牛馬皮者爾雅釋蟲釋文引字林

繆

集韻或作繆。繆青也。廣雅釋器。繆。絹也。同上。

蠶

○經絲絹曰蠶。一切經音義十二引通俗文。水蠶化爲蠶。青蜓也。淮南說林。水蠶爲蠶。注。

總

大鑿曰。御覽七百六十三引通俗文。

燧

集韻燧或省燧。燧炬也。廣雅釋器。

鱣

魚出南海頭中有石一名石首文選江賦注引字林。

祿

爾雅釋草困祿。釋文。本作祿。

○

以下據集韻錄。蒙。厚也。管子五輔。敦。純固注。

一筴也 **廣雅釋器**

手提頭曰一一切經音義十六引 **通俗文**

一禪衣也 **廣雅釋器**

一有也 **廣雅釋詁一**

一喧聲也 **荀子解蔽**掩耳而聽者聽漠漠而以

爲一注

一禪當爲冲澹 **荀子非十二子**一禪其辭注

經籍纂詁卷第一